

Pronostico di Tempo



Parcialmente nubla
cu chens di awasero

DIVISION DEN FRACCION DI AVP RIBA MANEHO Y DECISIONNAN DI MINISTER OTMAR ODUBER



BON DIA *Aruba*

Diamars 11 di Januari, 2011 www.bondia.com Email: noticia@bondia.com Tel: 582-7800 Fax: 582-7044 1,50 Florin



**Loke e
tabata,
loke
e ta,
loke e
mester
bira den
futuro**



ORANJESTAD- Poco poco e contratista a kita henter e edificio bieu di Ontvanger di Belasting completamente sunu y ayera e trabounan a bolbe reanuda despues di e vacacion den construccion cu tabatin. Riba combinacion di fotonan por mira e tempo di gloria di e edificio ora cu e tabata duna servicio na henter comunidad, y riba e otro por mira con a desmantela tur muraya y separacionnan di e diferente departamentonan, lagando e edificio, den solamente biganan di hero. Dentro di poco e edificio lo haya un otro style, un otro moda pa bisti y e lo bai sirbi otro propositonan pa comunidad.

★ ★ ★ ★ ★ ★ ★ ★ ★ ★ ★ ★ ★ ★ ★ ★

**SORTEO
BON DIA ARUBA**

No tin ganador di Afl. 625

E jackpot ta **Premio Afl. 650**

Yena bo formulario riba pagina 22

Despues di 25 aña

Bomberonan porfin ta mira mehoracion di nan posicion huridico



ORANJESTAD – Sindicato di Bombero Arubano (SINBA) a reuni ayera den un reunion urgente cu su miembronan. Un reunion cu a cuminsa pa 4or di atardi na Post Oscar y a termina apenas un hora despues. E organizacion sindical mes a keda asombra con lihe nan por a termina e reunion aki. e motibo di esaki tabata cu e puntonan presenta pa e reunion a bay rapido. Awe sindicato SINBA ta mira atras na desaroyonan positivo pa e organizacion. Despues di basta reunion, finalmente ta mirando cu e posicion huridico,

cumplamento di material nobo y otro aspectonan pa mehora servicio di cuerpo di bombero a cuminsa cana.

Sr. Davni Roza Presidente di SINBA ta masha gradecido cu e miembronan. Durante e reunion a presente a areglo di posicion huridico di e trahadonan.

E compra di materialnan nobo. E cambio di e flota di cuerpo di bombero. Loke a tuma luga den e reunion ta cu a sigura na e miembronan di e sindicato cu cosnan ta canando. Sr. Davni Roza a indica cu e proceso aki tabata uno

largo y e miembronan tabata basta disgusta.

Pa hopi anja e miembronan no a mira cambio y tabata tin hopi reto. E cuerpo di bombero a bay atras den diferente forma. Autonan tabata paga. Ekiponan no tabata funciona. Aunke awe ainda e ekipo nobo no a yega, toch tin speranza.

Otro situacionnan cu ta presenta, ta cu e miembronan no tabata tin uniform. Tabata tin un falta enorme di ekipo pa funciona. Antes tabata tin material special pa habri portanan di cas ora di candela, pero no tin e cosnan ey mas.

E posicion huridico pa 25 aña tabata para. Ningun hende no sa dicon nan no a cuminsa cune. Sr. Davni Roza a indica cu e no sa dicon te awor e la keda aregla. E la indica cu mirando e responsabilidad di algun miembro di cuerpo di bombero, e la sinti cu cos mester cambia.

Cierto miembronan di cuerpo di bombero tin un responsabilidad pa un truck di mey miyon florin, mientras cu e hendenan riba dje y Aruba su seguridad ta depende di un persona di salario minimo. P'esey mester drecha e

situacion huridico. Si tuma como ehempel cu e BES eilanden nan mes cu awor a keda funda, mes e posicion huridico di e trahadonan di bombero a cambia.

Awor aki bombero ta cla. A sinta cu Departamento di Personal y Organizacion na nomber di Minister. A regla tur e asuntonan y a rond af tur cos y e mester bay conseho di Minister. Gobierno mester aproba esaki pa dia 1 di october e cuerpo mira cambio den nan posicion huridico. Riba e combinacion di foto, e bomberonan cu a acudi na gran cantidad pa e reunion di ayera atardi.

Mientras cu atrobe ayera Corsow a haya palo di awacero

Aki na Aruba apenas awacero a yobe pero por spera mas awa awe

ORANJESTAD – Mientras cu Corsow a haya un palo di awa ayera den dia, Aruba apenas a haya algo di awacero. Mientrastanto e situacion di tempo ta muera cu por lo general tempo lo tabata parcialmente nubla cu algun awasero local. Localmente algun di nan por ta fuerte. Temperatura maximo lo ta 30°C i


minimo 24°C. Solo ta sali 06:59 i ta baha 18:27.

Biento: Modera te basta fuerte for di direccion generalmente oost. Forsa 4 te 5 (20 te 39 km/ora, 11 te 21 nudo). Durante di awasero temporalmente fuerte te posibel duro; forsa 6 te 7 (40 te 61 km/ora, 22 te 33 nudo).

Situacion general: Durante e proximo 24 ora

temporalmente mas nubia lo pasa den nos region i ocasiona algun awasero local riba islanan ABC.

Condicion di laman: Laman ta por lo general modera cu olanan di 1 te 2 meter (3 te 6 pia). Perspectiva te diaranson atardi: Parcialmente nubla cu chens pa algun awasero local.



MOREU FACILITACION

Abo sa kico kieren tin compashion?

SINTONIZA EMISORA MI FM107.5 FOR DI DIALUNA PA DIABIerna DI 8AM - 9AM

Den reunion di fraccion a trata asunto di van Wijk ayera

Division den fraccion di AVP riba maneho y decisionnan di Minister Otmar Oduber

ORANJESTAD – Tin un division den seno di partido AVP, particularmente den fraccion di partido AVP relaciona cu entre otro e asunto di nombramento di persona na Triple A NV, manera cu e matutino aki a bin ta papia di dje. Y no solamente di e caso aki, sino tambe e forma con ministernan ta atendiendo cu nan cartera, particularmente minister Otmar Oduber.

E matutino aki a compronde cu ayera tabatin un reunion di fraccion di AVP, unda cu un di e puntonan di agenda tabata netamente e nombracion di conocido comerciante Giovanni van Wijk den un posicion clave den Triple A NV. E matutino aki a compronde cu tin algun miembro di e partido den fraccion cu ta sostene esaki mientras cu e otro no y esei ta trece e division. No ta conoci si, si e grupo den fraccion di AVP cu ta sostene e nombracion ta den mayoria si of no.

Loke e matutino aki a compronde ta cu e intencion di e fraccion ta, pa existi di minister Otmar Oduber pa trece clarificacion riba e asunto aki, sino por spera problema cu otro asuntonan den futuro cu mester pasa parlamento. Y a compronde cu e asunto di van Wijk ta solamente un punto, pasobra tin mas asunto cu e fraccion mes no ta contento cune y cu ta buscando informacion pa sa pakico e mandatario ta actuando di e forma aki. E forma pues cu nan no ta gusta, ta cu e mandatario ta buta pone algo y despues ta core busca sosten, mientras cu esaki no ta posibel.

E grupo di fraccion di AVP cu no ta aproba e asunto aki ta mira cu no por ta asina cu ta mete politica den e asunto serio asina, unda cu ta pone un hende cu no ta cualifica, riba un posicion asina crucial manera na aeropuerto, y cu por tin repercusion despues. Esaki ta algo cu e miembronan di fraccion di AVP no por

sostene segun e matutino aki a compronde.

Bon Dia Aruba a tuma contacto cu tanto e lider di fraccion di e partido, pero no a logra y otro miembronan di e fraccion a confirma solamente cu enberdad ayera tabatin e reunion y cu enberdad tabatin como un punto di agenda, e punto di nombracion di Van Wijk na aeropuerto, y cu enberdad si ta asina manera cu e ta pinta, nan dificilmente por aproba algo asina.

Pues un di e desisionnan cu a cai den e reunion di ayera ta cu nan ta bai existi di e mandatario clarificacion riba e asunto, y tambe mas asunto. Nan sa cu ta prerogativo di e mandatario pa tuma cierto hende, pero no por ta asina cu ta hungando politica cu algo asina sensitivo. Y berdad cu parlamento porta awor no por haci nada, pero cu e lo tin su efecto y repercusion pa cu e minister ora cu e kier sosten di e miembronan aki pa otro proyecto y asuntonan cu



Minister Otmar Oduber

mester pasa parlamento y haya sosten di su propio fraccion.

Bon Dia Aruba a compronde mientrastanto cu den propio seno di Triple A NV, tin masha mal contento cu e nombracion aki, unda cu varios persona clave a bisa cu nan no ta dispuesto pa carga garoshi pa ningun persona y cu cada persona mester carga nan propio garoshi. No por ta asina cu un persona cu menos

educacion ta bin traha na un funcion asina haltu, mientras cu tin varios cu si ta cualifica y cu no a bin na remarke pa un funcion asina. Tambe a compronde cu e lo mester cuminsa traha per 1 maart 2010 den e funcion cu Mario Bikker a laga esta Staf Unit Manager Airport Development cu ta un funcion hopi specialisa y tecnico di cual Sr. van Wijk no tin e experiencia ariba e tereno aki

Hobennan di centro ortopedagogico ta sano y salvo

ORANJESTAD—E seis hobennan cu a ‘huy’ for di Centro ortopedagogico ta sano y salvo y ta bek den e centro. Consecuencia di nan acto sinembargo, tabata cu nan no por a sali den fin di siman.

Segun miembro di e Team di Maneho encarga cu e centro, Earl Fraser, e hobennan - esun mas jong tin 12 aña-, no a huy for di e centro, sino cu no a aparece na scol.

E hobennan simplemente a dicidi pa no bolbe e centro cu ta keda na Noord, y manera Bon Dia Aruba a mustra, a bay na cas di ex docente di dos di nan. Ta trata aki di dos ruman cu a bati alarma di abuso contra nan rumannan na fin di 2009 y for di e tempo ey, ademas di nan rumannan ta bou responsabilidad di Voogdijraad.

Mientras cu e chikitinnan a bay na famianan di crianza, e dos rumannan a bay biba den e Centro ortopedagogico, cu segun Earl Fraser ta destina pa adolescentenan cu tin problema di comportacion, of a lanta di e guia necesario. Fraser a enfatisa cu aki no ta trata di hobennan cu tin actitud criminal of cu a comete actonan criminal, pasobra pa esey

tin un otro trayectoria. Centro ortopedagogico ta specialmente pa adolescentenan cu pa un of otro motibo no por keda cu nan famia.

Den e sentido aki, e miembro di e Team di Maneho no tabata kier a bay den profundo pa splica e caso di e seis hobennan, mirando cu ta e maneho pa purba proteha nan privacidad mas tanto cu por. Como tal tin palabracionnan haci tambe cu Cuerpo Policial cu no ta papia di e grupo di hobennan aki.

Di otro banda, ta e muchanan mes a hala atencion riba nan mes. E decision pa a mantene nan den e centro durante e fin di siman tras di lomba, segun Sr. Fraser tabata pa nan propio proteccion. “Aunke cu e tabata den combinacion di un castigo tambe. Nan no por simplemente keda sin bay scol y sin bolbe e centro, sin cu tin consecuencia.” Fraser a bisa cu den caso cu e hobennan no a huy, no a exclui cu hasta por a hiba nan mira fakkelt optocht. Pero den bista di e sucedido, y mirando cu aki ta trata di hobennan hopi vulnerable, a prefera pa wanta nan paden.

Mientrastanto a papia caba cu e scol, pa mira di ki

forma por evita cu e muchanan por bolbe sali bay. Sr. Fraser ta bisa cu dificilmente por spera cu scol ta bira un prizon, sinembargo lo haci tur lo posibel pa limita e posibilidad pa e muchanan aki por scapa atrobe. “Nan ta hobennan cu facilmente por keda influencia,” Earl Fraser a mustra. Ademas di e guia cu lidernan den e centro ta duna, e hobennan tin contacto cu nan mayornan. Es mas, ta purba stimula e contacto aki, y di e forma aki, algun di e hobennan por pasa un dia of un par di ora cerca nan mayornan, of nan mayornan por bishita nan na e centro.

Na e momentonan aki e Centro ortopedagogico ta brinda luga pa 9 adolescente masculino y 10 adolescente femenino. E espacio ta completamente yen, mientras cu tin peticion pa mas mucha por drenta e centro. Pa tal motibo mes, Earl Fraser ta kere cu e urgencia mas grandi pa Aruba na e momentonan aki ta un edificio mas adecuado pa atende cu e muchanan aki, segun nan mesun necesidad. “E problematica di hobennan na Aruba ta di tal indole cu e ta rekeri un paso asina, unda ademas di estructura, por brinda nan un luga sigur.”

BON DIA <i>Aruba</i>
Editor Caribbean Speed Printers N.V. Aruba Bank N.V. Acc.No 332668
DIRECTOR John Chemaly Jr.
MANAGING EDITOR Bob Harms
ASSISTENTE MANAGING EDITOR Hareld Faro
REDACCION Benjamin Romero Dilma Arends Maritza Faro Genieve Garcia Ludwig Hermans Elizabeth Guanipa Kevin van Ommere E-mail: noticia@bondia.com
PROJECT EXECUTIVE Elisabeth Guanipa Genevieve Garcia
REDACTOR DEPORTIVO Richard Brooks Andres Krozendijk Email: deporte@bondia.com
COLABORADOR Dr. Carlos Viana Ronzzio de Cuba Seever Krozendijk Tito Lacle Margarita Els Oscar Vidal Melvin Garcia
INTERNATIONAL Mariano Heyden Margaritha Els (Antiyas) (Bonaire)
FOTOGRAFO Debby Kelly Dino Tromp
LAYOUT Gladys Palomino Patricia Duque Dina Maria
SALES Elly Erasmus Marijke Croes Luidens Wendy Kelkboom
AVISO Y ARTE Sandra Loefstop (Hefe Reservacion) Lando Rafael Michael Arends
ADMINISTRACION Y DISTRIBUCION Jenny Lobbrecht Martha Ariza
COLLECTOR Evelinda de Cuba Litzanne Rosenstand
PRE PRESS Luis Fernando Arenas (Hefe) Pablo Libre
PRESS Ronald Schenker (Hefe) Omar Ramirez Martin Boekhoudt
RECEPCIONISTA Mariela Carrera
MARKETING P.R. Nancy Croes
AGENDA DI NOTICIA Associated Press Editor's Press United Media Reuters
AFILIACION Sociedad Interamerica di Prensa (SIP)
Bon Dia Aruba no ta responsabel di comunicadonan y/of remitidonan. E autor ta esun directamente responsabel
DIRECCION Weststraat 22 Tel: 582-7800 / Fax: 582-7044 Email: noticia@bondia.com BON DIA ARUBA Ta un corant redacta y imprimi na Aruba y ta obtenibel di Dialuna te cu Diasabra Ningun contenido por wordo reproduci sin permiso di Editor. www.bondia.com

Cos ta mustra scur e aña aki pa Aruba

Ainda gobierno no a firma contract nobo cu grupo di Soul Beach Festival

ORANJESTAD – Mientras cu na Corsow ta papia cu e Caribbean Sea Jazz Festival aña pasa a genera miyones pa economia di e isla, aki na Aruba ainda tur cos ta den ‘limbo’ pa loke ta e festivalnan e aña aki. Particularmente e unico festival cu a keda cu ta Soul Beach Festival ya cu ainda no tin ningun contract firma entre gobierno di Aruba y e grupo aki, y como tal no por planea nada ainda.

E matutino aki a compronde cu tin un incertidumbre basta grandi pa loke ta e proximo paso, mirando cu no tin nada nada cla ainda y ningun contract firma, y cu ta pone cu dificilmente por tin un tipo di actividad serio y cla pa e aña aki. Como tal mirando e situacion aki, ta duda cu e aña aki por tin un festival na Aruba cu lo por garantiza e cobertura necesario pa trece turista pa Aruba.

Te cu siman pasa ainda gobierno di Aruba no a firma

ningun contracto cu e grupo di Soul Beach Festival, cu ta pone cu dificilmente e grupo aki por cuminsa planea algo y busca artista drechi pa por toca na Aruba. Y manera ta conoci, un evento asina ta rekeri planeamento serio di hopi tempo delanta pa tanto e organisacion na Aruba como e artistanan y e promocion cu ta bin cune.

E matutino aki a compronde cu tin un problema cu e grupo aki di Soul Beach pa cual gobierno no a firma nada ainda cu nan. Aparente consehonan pa e grupo aki continua tambe no ta positivo, y asuntonan pendiente di pasado a pone cu cos ta ‘on hold’ pa cu e festival e aña aki. Y mirando cu e festival aña pasa di Corsow di Jazz cu a hala asina hopi hende y cu tabata di un caliber asina grandi, hopi ta duda cu cualkier actividad na Aruba e aña aki, mester ta sea mes bon of miho, pa por competi cu esun di Corsow.



Nombernan manera di Stevie Wonder y Earth Wind and Fire ya caba ta circula cu lo ta buscando y of a confirma pa e festival di Corsow di e aña aki cu lo tuma lugar dia 2 di september. Y mes momento a compronde cu e suma pa por confirm a Wonder so, ta den miyones. Pero esaki aparentemente no ta un problema pa e organisadonan y tambe cu e exito di e festival di aña pasa, esaki lo no mester ta un problema e aña aki.

Casi tur cu a presencia e festival di aña pasa, ya a bisa

cu nan lo ta presente den esun di e aña aki, mientras cu esnan cu no por a presencia esun di aña pasa, a bisa cu nan tin asina hopi lamento di esei cu nan a cuminsa spaar caba pa esun di e aña aki. Tur e puntonan aki ta hunga pisa riba e caso di Aruba cu ta mustra cu si no actua rapidamente, e situacion lo por bira hopi malo pa Aruba pa loke ta festival, y cu sea Aruba ta keda sin un festival e aña aki, of ta bin cu un festival di caliber abou, cu tampoco no ta bon pa tanto Aruba, como e organisadonan y e turismo di Aruba.

Ademas di importacion di cocaina y marihuana

Grupo involvi den traficacion ilegal di hende mester presenta dilanti Hues

ORANJESTAD – Aña pasa den Corte a trata diferente caso penal contra grupo di persona cu ta dedica nan mes den e negoshi di traficacion di hende. Hopi biaha e hendenan aki, ta interesa solamente den e cantidad di placa cu nan por gana y ta negligisha completamente e seguridad di e pasaheronan.

Den casonan anterior por a constata cu hopi biaha ta paga esnan abordo di e boto a base di e cantidad di personanan cu nan transporta o sea, mas hende bay, mas mihor. Hopi biaha apenas tin un salbabida abordo y no tin e otro cosnan cu mester tin abordo pa den un caso di emergencia.

A yega di sosode caba cu a haya curpanan ta drief na beach na San Nicolas. Esaki pasobra e boto a bolter y hopi di esnan abordo no tabata sa landa.

Den Corte, tanto Fiscal como Hues ta tuma hopi na serio e negligencia riba bida di hende y ta baha cu man duro riba esnan culpable.

Diabierna awor, e personanan G.R.M.S., G.V.A., G.R.D.S. mester presenta dilanti Hues pa e caso penal cu Ministerio Publico a cuminsa contra nan.

IMPORTACION DI DROGA Y HENDE

Ta asina cu G.R.M.S. y G.V.A., ta wordo acusa di importacion di cocaina y marihuana riba 4 di Augustus 2010, ora cu Guarda Costa a intercepta e boto.

G.R.M.S. y G.R.D.S. ta wordo acusa cu riba e mesun fecha di conhuntamente cu un otro of otro y cu fin di gana placa, a yuda hende pa drenta, dor di transporta nan cu boto for di Venezuela pa Aruba, sabiendo cu esaki ta contra ley y cu tabatin peligro di morto, mirando cu tabata nabega sin luz y sin duna instruccion na e pasaheronan y cu solamente 1 salbabida abordo.

Redactor di casonan di Corte lo bay cubri e caso aki y lo informa lectornan di tur loke a sosode den sala di Corte.

Gobernador Refunjol a mustra den su discurso cu Kizas a enfoca mucho riba economia mientras enseñansa y medio ambiente a keda atras

ORANJESTAD – Mientras cu Aruba a enfoca tur tempo riba nos economia, otro areanan no a haya atencion debido. Esaki segun Gobernador di Aruba Fredis Refunjol den su discurso di e ‘nieuwjaars borrel’ diabierna ultimo. Gobernador ta mustra con bon a bai cu Aruba su status aparte den ultimo 25 aña pero cu no tur cos a bai bon.

“ Den tur honestidad mester bisa cu sigur no tur cos ta perfecto na Aruba. Cu nos enfoca riba desaroyo economico, otro areanan kizas no a haya nan debido atencion,” Gobernador Refunjol a bisa.

Y Refunjol tin un punto hopi na curason cu e no ta mira cu a haya atencion debido y a uza su discurso pa hala atencion di gobernantenan riba esaki. “ Cu mi background [di maestro di scol] boso lo por compronde cu mi curason ta bati mas duro pa esfuersonan pa yega na enseñansa di calidad. Pero tambe cuida di nos medio ambiente y e calidad di nos aparato publico den sentido amplio, no tin mag di haya menos atencion” Refunjol a sigui bisa.

Claro cu economia ta e motor di comunidad. Pero sigur e no ta e unico aspecto importante pa forma un comunidad y pa hunto desaroya un perspectiva riba termino, segun e gobernador di Aruba.

Refunjol ta sigui mustra cu ta mas cu claro cu gobernacion mester ofrece e base of cuadro pa logra esaki. “ Pero ta bon pa tene na cuenta si, cu formulanan di exito di pasado no sin mas ta duna garantia pa exito den futuro. Esey ta conta tanto pa nos economia como pa nos gobernacion” gobernador ta sigui mustra.

E ta mustra cu den un economia mester tene cuenta cu aparicion di competitornan y cambio di circunstancia di mercado. Y pa gobernacion ta conta cu comunidad sin duda algun a bira mas complica; a consecuencia di cambio den nos comunidad mes, pero tambe door di influencianan di afo.

Pa nos gobernacion den cierto sentido tambe ta conta cu tin aparicion di competitornan. Aki e gobernador a manda un señal tambe pa gobernantenan actual. “Nos no tin patente mas riba status aparte; otronan awor tambe ta bay test e formula. P’esei nos lo mester para duro pa e asina yama “wet van de remmende voorsprong” “ Refunjol ta recorda. E ta mustra cu den e añanan tras di lomba, nos a logra realisa desaroyo di nos pais cu un combinacion di sentido empresarial y gobernacion efectivo. Kizas cu esaki nos tawata un ehempel pa otronan. “Awor esaki lo no conta sin mas y nos lo mester tene cuidou cu conservatismo, demasiado cautela y sentido di auto-complacencia.” Refunjol a sigui bisa.

Esaki ta pone cu nos lo mester adapta na cambio di circumstancianan; of mihor ainda, nos lo mester considera di nobo con un biaha mas nos por dirigi e circumstancianan na nos favor, of con nos por saca lo

maximo di e oportunidadnan nobo. Popularmente bisa nos lo mester hiba nos Status Aparte to the next level!

“Pa Aruba, como Pais, e tempo di pionero a pasa; e tempo den cua nos a experimenta y dor di dal cabes nos a experiencia realmente cua metodo

di gobernacion ta funciona y cua no” Gobernador a sigui bisa.

Gobernador ta mustra cu entretanto nos a madura y nos tin mag di exige mas di nos mes. “E espacio pa haci eror a bira mas limita; e importancia pa anda cautelosamente cu limitacion

di hende y medionan, a bira mas grandi. Lo nos mester bira mas desisivo den nos gobernacion”.

Nos lo mester cumpli cu e exigencianan di calidad cu ta conta den un democracia madura; kier men transparencia real y gobernacion

confiabel. Esaki por nifica cu nos lo mester fortifica e institucionnan cualnan ta percura pa e asina yama checks and balances den nos gobernacion. “ Kizas asta a bira tempo pa “re-invent”, pa re-descubri Aruba” gobernador ta sigui bisa.

APPETIZERS

- 2x Minestronie
- Bread Sticks 5 Pc
- 2 Pc Garlic Bread W/ Cheese
- 2x Potato Salad
- Cinamon Sticks 10 Pc

Bo por scohe un (1) di nos Appetizer

DIALUNA

- Appetizer
- Small Cheese Pizza
- 2 Medium Pepsi

DIAMARS

- Appetizer
- Chicken Alfredo personal
- 2 Medium Pepsi

DIARANSON

- Appetizer
- Small Hawaiian Pizza
- 2 Medium Pepsi

DIAHUEBS

- Appetizer
- Meaty Marinara Personal
- 2 Medium Pepsi

DIABIerna

- Appetizer
- Small Veggie Pizza
- 2 Medium Pepsi

DI DIALUNA PA DIABIerna
DI 11OR PA 4OR
 Royal Plaza - Sasaki



bondia.aruba@gmail.com

Alianza entre Universidadnan di Aruba y South Carolina lo amplia oferta di conocimiento na Aruba

ORANJESTAD — Alianzanan cu universidadnan internacional por permiti Aruba haya acceso na modelonan cu no solamente ta traha den paisnan grandi, pero cu a base di investigacion local ta traha aki tambe. Y un di e alianzanan aki ta un USC, University of South Carolina. Dr. Robin diPietro, PhD ta e contacto directo di USC, y ta Director di e Instituto Internacional pa Investigacion y Educacion den e Industria di Cuminda. DiPietro a conoce Universidad di Aruba, y particularmente Facultad di Hospitalidad y Estudio den Maneho di Turismo tempo cu e tabata afilia na University of Central Florida, UCF. Como tal, e Profesor Asocia a mira e posibilidad, for di su funcion nobo pa tambe traha di cerca cu Universidad di Aruba. E colaboracion cu e facultad di turismo ta nifica cu ta amplia e ‘oferta’ di estudio na studiantenan na Aruba, cu entre otro un grado Bachelor’s den e ramo di ‘retail,’ esta benta por detal y tambe maneho den deporte. Particularmente e estudio den ‘Retail’ y te hasta ‘Fashion

Merchandising’ ta estudionan cu ta birando mas popular y ta hayando importancia. Conocemento riba e nivel comercial y sa cua producto lo por bende na cua mercado ta esencial pa exito di cualkier negoshi. Y esaki tambe ta conta pa Aruba, y sigur si kier desaroya Oranjestad y San Nicolas den centronan comercial innovativo, cu productonan diferente. E cursonan aki ta bay mas cu djis trece conocimiento di producto, sino tambe pa conoce e mercado na cua ta ofrece productonan y con pa mercadea esakinan.

Den palabracion cu Profesor Dr. Ryan Peterson, kende na momento di a efectua e colaboracion ainda tabata e decano di e facultad di turismo di Aruba a busca forma pa intercambia cursonan. Esaki no solamente ta habri e caminda pa studiantenan di Aruba sigui programanan na USC, pero tambe cu studiantenan di e estado Mericano por participa na intercambio y sigui cursonan cu facultad di turismo na Aruba ta brinda.

Crea modelonan cu ta cuadra cu isla/economia chikito Pero, pa Dr. DiPietro, como investigado e ta habri e posibilidad pa studiantenan di su Universidad tambe habri nan mente y conoce e forma con Aruba ta maneha su turismo y comercio, y for di esaki ehecuta investigacionnan cu ta beneficioso pa tanto South Carolina y Aruba, y no solamente e institutonan academico. En todo caso, tanto e como su coleganan Profesor di USC lo por amplia nan experticio dor di pone un “toke Arubiano na e programanan.”

Mescos cu hopi Universidad rond mundo USC kier expande su relacionnan internacional, cu ta inclui intercambio di estudiante. “Y for di e perspectiva di turismo, South Carolina, mescos cu Aruba ta hopi dependiente di turismo. E ta duna nos studiantenan un miho perspectiva pa studia na otro destinacionnan unda turismo tambe ta importante.”

DiPietro a bisa cu e mes tin e tendencia di concentra su investigacionnan solamente na nivel di estadonan di Merca, mientras cu tin otro angulonnan cu ta hopi interesante, por ehempel for di un perspectiva di cultura diferente. “E colaboracion aki lo permiti ami haci investigacion comparativo, pa mira con hotel y restaurant na Aruba ta reacciona riba cierto desaroyo, y haci e comparacionnan cu esnan na Merca.”

Profesor Peterson a muestra cu hopi biaha ta asumi cu modelonan proba den paisnan grandi por keda copia y implementa na paisnan chikito of economianan di isla chikito. “Nos ta asumi cu locual ta traha na New York lo mester por traha na Aruba, y esey no ta e caso. Como investigadonan nos ta



Riba e foto por mira Dr. Robin diPietro, PhD di Universidad di South Carolina den compania di Dr. Ryan Peterson di Universidad di Aruba.

interesa no solamente pa duna validez na nos teorlanan, pero busca e motibo pakico no por copia un modelo di un pais grandi pa uno chikito.” Y segun Peterson, esaki tin hopi di haber cu e aspecto di Relacionnan Humano, mercado laboral y cultura. “Kisas e mercado na Merca ta mas grandi, pero esun di nos por ta mas diversifica tambe.” Pues, e Profesor Arubiano ta kere cu e posibilidad pa permiti academiconan di USC haci investigacion na Aruba lo amplia nan punto di bista, mientras cu Aruba lo por haci uzo di informacionnan acumula. “Di e forma aki nos no ta siña nos studiantenan, modelonan cu ta traha otro caminda y cu no ta aplicabel aki.”

Facultad cu gana di expande Segun Peterson, locual ta haci e alianza mas interesante ta cu e ta cuadra den e deseo di e facultad di turismo di Universidad di Aruba pa expande internacionalmente, na nivel di profesornan como di studiantenan.

“Nos kier brinda nos studiantenan e experiencia internacional tambe, pa expone nan na e mundo pafu di Aruba y gana experiencia internacional.”

Banda di esaki, facultad di turismo semper tabata boga pa expande su propio programa. A inicia cu hospitalidad, despues a inicia programanan di maneho den turismo, y a expande cu ‘International Business.’

Dr. Peterson a bisa cu e estudio di maneho di deporte cu USC ta brinda, incluso maneho den recurso humano ta cuadra cu vision di Gobierno di Aruba pa haci deporte un factor crucial den bida di e Arubiano. Mas ainda, eventonan deportivo lo mester duna un balor agrega na e producto total di Aruba y den cuadro di esaki, e conocimiento riba e tereno aki cu USC p por brinda na nos studiantenan ta nifica cu pronto lo tin profesionalnan local kendenan por carga e plannan aki. “Practicamente nos a haya un partner ideal den e plannan aki, y tur den un solo facultad. No ta cuestion cu mester bay di un facultad pa otro.

Esaki ta un solo paquete, esta un facultad di Turismo, Negoshi Internacional y Maneho di Deporte,” Peterson a bisa, agregando cu tur esaki ta un balor agrega pa Universidad di Aruba y Aruba en general, no solamente den e proximo añanan, pero sigur a largo plaso tambe.

Homber ta destrui borchí di hotel y despues ta bira agresivo

ORANJESTAD- Diadomingo 8’or di mainta, polis di Oranjestad ta bay na un highrise hotel, na unda dos guardia tin un homber teni riba vloer. Na yegada polis ta papia cu un guardia, kende ta bisa polis cu e homber a kibra un borchí di e hotel. E homber ta bisa polis cu e guardianan a maltrat’e. Polis a detene e homber. Ora cu a purba lant’e for di vloer, el a zwaai su man riba polis y a core bay. Polisnan a core su tras y a logra gare y pone den boei. El a resisti fuertemente y tabata tira mokete cu scop den direccion di polisnan. Despues cu polisnan a logra pone den boei, el a nenga di cana y polisnan mester a cargue hinc’e den auto di polis. Na warda el a menasa e polisnan. El a puntran si nan no sa kende e ta y a bisa cu e tin conexion pa elimina nan den carnaval. El a haya un cuarto gratis.

Af1 6.75

KING DEALS

WE ARE EXCITED!

NEW





CHICKEN TENDERS - 6 pc

WHOPPER® JR.

SPICY CHICKEN CRISP

KING DOUBLE

CHICK'N CRISP DELUXE

DON'T GO TO BED ON AN EMPTY STOMACH. BK® IS OPEN 'TIL 1AM

Mientras cu na Aruba tambe tin bosnan lantando pa dolarisacion:

Otro siman Sint Maarten ta anuncia si e tambe ta dolarisa

PHILIPSBURG/ORANJESTAD.- Pa otro siman por spera un anuncio oficial di Sint Maarten riba dolarisacion entrante prome di januari 2012. Presidente di Banco Central di Antia Emsley Tromp a anuncia, cu e lo ta na Sint Maarten otro siman pa tuma nota di e posicion oficial di e isla. Ya ta basicamente sigur cu e isla lo pasa pa uza dollar como su moneda oficial mescos cu anteriormente tabata e caso cu islanan BES cu a dolarisa entrante



prome di januari di e aña aki. E presion pa dolarisa na Sint Maarten cu de factor ya caba tin un economia dolarisa, dia pa dia ta birando mas grandi. Den e gremionan mas halto di gobierno i politica en general na Sint Maarten, ya caba ta biba e pensamiento cu mester haci economia di e isla oficialmente na dollar. Siman pasa e corant mas importante di Sint Maarten, The Daily Herald tambe a expresa su mes na favor di dolarisacion di e isla i a pidi pa no perde mas energia, fondo (di preparacion pa e moneda no bo) i recurso humano na e trayecto aki.

Aruba

E discusion si mester dolarisa economia di Aruba poco poco ta lantando cabez, despues cu introduccion di dollar como moneda na Boneiro, Saba y Sint Eustatius a bay na un manera mucho mas efectivo di loke a pensa prome. Tambe e echo cu na Sint Maarten casi tur sector ta di acuerdo pa dolarisa economia di e isla, ta pone cu na Aruba tambe tin bosnan ta lantando si esaki mester tuma lugar, si of no. Echo ta keda cu economia di Aruba ta drei pa mas cu 75% riba dollar, considerando e impacto grandi cu e sector turistico tin riba economia di Aruba. Banda di esei tin hopi hende ta kere cu mantencion di un propio moneda den e parti aki di reino, mientras ku dos-tercera parti di

reino tin un moneda cu no ta florin, al fin al cabo lo conduci mandatarionan di Aruba pa nan tambe pensa den direcccion di dolarisacion di economia Arubiano.

Corsou

Na Corsou tambe ta surgiendo e pregunta kico lo bay pasa cu florin Antiano/Curasoleño. T'asina cu como parti di e acuerdo pa desmantela Antia, Corsou i Sint Maarten a yega na un palabracion, cu lo bin cu un moneda combina hunto na 2012. E moneda lo a haña e nomber "florin Caribense". Awor cu Sint Maarten cu tur probabilidad lo ki afo, e pregunta ta, si Corsou lo mantene e punto di bista of lo dolarisa. Tin indicacion cu diferente miembro importante di gobierno ta na favor di dolarisacion. Den sector priva, principalmente sector bancario tin duda si esey ta un bon idea. Presidente di Banco Central Emsley Tromp mes ta na favor pa dolarisa, algo cu el a expresa na diferente ocasion.

Un decision riba dolarisacion ta importante, pasobra na cuminsamento di e aña aki, mester caba cu e diseño i tambe despues duna instruccion pa cuminsa traha monedanan pa e florin Caribense. Si e florin Caribense no ta bay sigui, ta importante pa sa esey for di awor aki, di manera cu por spaar fondo i energia na Corsou tambe.

Parlamentario mr. Xiomara Ruiz-Maduro (fraccion MEP):

E racha di medida ta sigui: Gobierno no ta baha belasting mane ley ta prescibí

ORANJESTAD- Den e ultimo dianan di 2010, Gobierno a introduci e medidanan cu a ser palabra den e dialogo social. A subi e suma di AOV, a subi e prima di AZV, a subi accijns y a corta drasticamente den e derechonan di pensioen di ambtenaar.

Notabel ta cu e gran mayoria di e Pueblo di Aruba ainda no ta conciente of no tin un bista ainda di kiko e palabracion di e dialogo social ta significa concretamente pa nan cartera. Gobierno ta keda keto y ta evita di duna splicacion.

Ta te ora cu e medidanan aki cuminsa preta e cartera di Pueblo nos lo realisa ta kiko e consecuencianan ta di e medidanan cu a ser pasa den e delaster dianan di aña 2010. Asina mes Gobierno no ta para keto, ja cu nan ta sigui cu e racha di medida.

Nos a tuma nota cu Gobierno a dicidi di NO ahusta e tarifanan di inkomstenbelasting y loonbelasting pa 2011 cu e cifra di inflacion mane ley ta prescibí.

Ta asina cu tur aña Gobierno tin e obligacion segun ley pa ahusta e tarifanan di inkomstenbelasting y loonbelasting cu e correccion di inflacion. Esaki ta hasi cu e tarifanan ta baha cada aña a base di e inflacion di e dos añanan anterior. Segun Oficina Central di Estadistica, pa e 2 añanan anterior e cifra di inflacion ta 2.3% y pues Gobierno tin e obligacion pa ley pa rebaha e belasting cu e cifra di inflacion aki. Esaki ta un ahustacion cu semper a ser haci dor di e gobernacion anterior.

Pero pa nos sorpresa, Gobierno a dicidi, aparte di a pasa tur e medidanan di AOV, AZV, etc, pa castiga Pueblo tambe cu un inkomstenbelasting y loonbelasting mas halto pa 2011. Mientras cu prijsnan ta sigui subi drasticamente, e unico compensacion cu Pueblo por haya pa e inflacion ta e rebaho di belastingnan aki.

Awor Gobierno a dicidi pa actua contra ley y keda sin duna Pueblo e alivio aki. Anto mas tristo ta, cu Gobierno kier tene esaki secreto y no ta splica pakiko nan ta tuma e medida aki tambe riba lomba di Pueblo.

Pesey ta keda awor na Gobierno di Aruba pa sali afor y splica Pueblo dicon e no kier cumpli cu leynan den beneficio di nos Pueblo y dicon e no kier baha e belasting riba salario y entrada.

Parlamentario Sra. Evelyn Wever Croes (MEP)

“Reparatie toeslag” no ta algo cu e trahado ta haya automaticamente

ORANJESTAD – “Gobierno a bin cu “reparatie toeslag” pa esunnan cu ta gana menos di 2500 florin. Pa pro haya e suma di “reparatietoelag” tur hende mester aplica pe na nan doño di trabou. Gobierno no a

duna ningun informacion riba esaki. Ta importante pa aplica pa esaki. Tambe e ta mara na bastante condicion, p’esey mester aplica pe for di awor”. Na palabra, mr. Evelyn Wever Croes, miembro di fraccion

di MEP den parlamento di Aruba.

Señor Wever Croes a bisa cu te ainda e comunidad no a realisa cu tin un cantidad di medida na caminda. Fin di



Parlamentario Sra. Evelyn Wever Croes (MEP)

Join the Bucuti Beach Resort, Aruba's leading luxury boutique beach resort. As one of Bucuti's associates, you and your family will enjoy its many advantageous benefits such as:

- Competitive salaries
- Pension plan
- Health, disability and life insurance
- Daily transportation allowance
- Educational training
- Saving plans and Loan availability
- Complimentary shift meal

As a Caribbean leader in sustainable tourism, Bucuti Beach Resort is seeking individuals who value the natural resources of Aruba and are keen on protecting it through varied environmental programs. For all positions, knowledge in the Quality ISO 9001 and Environment ISO 14001 certifications are a plus. Qualified candidates should be flexible in the work hours and available to work evenings, weekends and holidays. They should also be able to work in a drug free environment.

The following positions are currently available at The Bucuti Beach Resort:

MANAGEMENT POSITIONS

Executive Housekeeper

Minimum Requirements:

- Minimum 5 years experience in similar position with hotel or time-share operation
- Proven track record of effective control processes and training methods
- Expert indoor / outdoor sanitation methods
- Organized and strong ability to prioritize and multi-task
- Computer and PMS knowledge recommended (Opera and Concierge Assistance a plus)
- English necessary, Spanish a plus

MID-LEVEL POSITION

AM F&B Supervisor

Minimum Requirements

- Minimum 2 years in similar position with hotel or time-share operation
- Ability to train staff provide leadership support
- Knowledge of food & beverage preparations and wines recommended
- Ability to work with a POS (Squirrel a plus)
- English necessary, Spanish a plus

FULL-TIME AND PART-TIME POSITIONS

1st Cook

Minimum Requirements

- Minimum 2 years experience in similar position with luxury hotel or restaurants
- Knowledge of all HACCP food safety procedures
- English necessary, Spanish a plus

Seamstress

Minimum Requirements

- Minimum 2 years experience in similar position
- English necessary, Spanish a plus.

Interested applicants can get more specific information and download a complete application form on our website:

www.bucuti.com/en/contact/employment.php

Email: jobs@bucuti.com or call 583-1100 ext. 136/138 for an appointment

luna awor ta e prome salario di aña y eyan e comunidad lo sinti e consecuencianan. Ora tur hende haya nan prome salario, e ora nan ta mira kico realmente ta pasando. Fraccion di MEP ta kere cu tin un cantidad di medida nan cu a keda pasa den Parlamento. Tur e primanan social a keda aumenta drasticamente. E base pa calcula AOV a aumenta. Tur esunnan cu fin di luna ta haya salario lo ripara cu nan ta bay paga mas prima. Esunnan mas afecta pa esaki ta keda e empleado publico nan y e parehanan casa y esunnan di clase media.

Esaki ta e sistema cu gobierno a bin cune cu tin cu aplica pa haya e reparatietoelag. E trahado mester bay na doño di trabou y pidi pa esaki. Mester yena un formulario y muestra cu bo ta inscribi na censo di Aruba. Mester declara si e trahado ta traha otro caminda. Mester bisa cuanto e ta gana tur otro caminda. E ora ey si e persona ta cualifica cu tur cos, e tin derecho di hay’e for di su doño di trabou.

Loke a señala riba e “reparatie toeslag” aki, ta cu e ta casi un bari sin fondo. Gobierno no tin un idea kico e ta haciendo. Gobierno a dicidi cu e doño di trabou no tin cu aporta den e aumento di salario aki.

Gobierno a dicidi cu e ta tuma e aporte pa su mes. Enves cu e doño di trabou ta paga e loonbelasting fin di luna na gobierno, e ta pasa e placa aki pa e trahado directamente despues di a kite for di dje mes. E doño di trabou mester retene prima y belasting di e trahado, anto enves di paga esaki na gobierno, e ta duna e trahado esaki bek. Ta esaki a referi na e hecho cu ta haci promesanan falso. Basicamente ta e mesun placa di e trahado cu a kita for di dje y su coleganan, e doño di trabou enves di duna esaki na gobierno ta duna e trahado bek.

Loke e tipo di accionnan aki ta haci, ta cu e ta afecta e cash flow di gobierno. Enves cu gobierno haya impuesto di salario tur luna. Gobierno ta keda sin haya e parti cu e no sa mes kico e ta bay ta. Esaki ta e diferencia grandi cu tin entre Parlamentarionan. Tin un grupo grandi den Parlamento, tanto di parti oposicion, como tambe esunnan den banki di AZV. Tin parlamentarionan cu ta critico, pero ora tuma decision toch e Parlamentarionan Ta duna gobierno e carta blanco pa nan haci y deshaci. Ta spera cu dado momento tur hende keda para critico riba nan puntanan.

Mientras cu mañan ta anuncia prijs nobo di gasolin pa Aruba

Ceramento di oleoducto na Alaska ta causa subida skerpi prijs di petroli

ORANJESTAD.- Mientras comunidad di Aruba ta wardando cu hopi expectativa riba e anuncio di Departamento di Asuntonan Economico pa loke ta prijs di combustibel, ceramento di un red importante di pipa pa transporta petroli a causa un subida skerpi den prijs di crudo riba mercadonan internacional ayera. Bolsanan internacional a cera ayera cu un subi marcante di prijs, ora cu e dos puntonan di referencia pa loke ta prijs di petroli, esta “Light, sweet crude” y “Brent Crude” a marca un aumento di \$1.22 (1.4%) y \$2.38 respectivamente riba bolsanan internacional. “Light, sweet crude” a alcanza e prijs di \$89.25 pa bari, mientras cu “Brent crude”, a alcanza e suma di \$95.71 pa bari. Departamento di Asuntonan Economico di Aruba ta basa su calculacionnan riba e asina “Platts Oil Gram”, cu na su turno ta mantene e desaroyo di prijs di “Light, sweet crude” como punto di referencia.

“ Alyeska Pipeline Co”, compania cu ta opera e red di 800 miya di pipa cu ta transporta petroli di seronan di Alaska pa refinarianan na e costa occidental di Merca a dicidi diasabra ultimo pa “shut down” e red, despues cu trahadonan a descubri un lekmento bastante formal na e instalacion di pipanan. E “shut down” aki a obliga e empresanan “BP PLC” y “Exxon Mobil Corp” entre otro pa na nan turno para nan produccion di petroli den e area conoci como “North Slope” di e estado di Alaska. E area aki ta responsabel pa 9% di e produccion domestico diario di crudo di Merca. E area aki so ta produci un total di 630 mil bari di crudo pa dia.

Expertonan ta kere sinembargo cu den e proximo dianan lo haci reparacion na e pipanan, di tal manera cu pa fin di e siman aki mes por reanuda transporte di crudo for di e area aki pa e refinarianan cu ta depende di e crudo aki pa produccion di combustibel.



Entre tanto comunidad completo ta sperando cu hopi expectativa riba anuncio di prijs do combustibel di parti di Departamento di Asuntonan Economico. Manera ta conoci, e departamento aki ta tene un evaluacion dos biaha pa luna di e desaroyo di prijs di crudo mundialmente y cada di dos diaranson di luna ta anuncia si tin cambio den

e prijs di gasolin, diesel, gas y otro productonan petrolero. E proximo anuncio ta mañan dia 12 di januari.

Expertonan cu Bon Dia Aruba a papia cune ta indica cu si tin un reduccion di prijs mes, esaki lo ta uno masha limita, comokiera cu prijs di petroli no a cambia masha for di e ultimo biaha cu e

departamento a anuncia e prijsnan nobo di combustibel. Manera Bon Dia Aruba a anuncia anteriormente, expertonan ta premira cu e prijs di combustibel lo keda mas o menos igual na loke e ta e luna aki, pa resto di aña. Esaki debi na e pronostico cu prijs di bari di petroli lo keda laba entre 90 pa 100 dollar e aña aki.

Parlamentario Sra. Xiomara Ruiz Maduro (MEP)

Gobierno no a splica pueblo e consecuencia di e medidanan

ORANJESTAD – Gobierno a warda fin di aña pa pasa un cantidad di ley cu consecuencia pa comunidad. E reunion nan a tuma luga den Parlamento y e leyman a keda aproba. Algo preocupante ta cu Parlamento a lansa yen di pregunta, pero hopi a keda sin contesta. Despues di e introduccion di e leyman aki, e pueblo no sa kico e cambionan ta a base di e reglanan di dialogo social. No tabata tin ningun informacion di parti di gobierno.

Mester bisa cu den e ultimo dianan di 2010 gobierno a pasa un ley cu a aumenta e prima di AOV, a percura pa aumenta e prima di AZV tambe. A subi accijns tambe y pa dia 31 di december den e ultimo oranan di 2010 a dicidi di corta tambe den e derecho di pension di empleadonan publico. Notablemente mayoria di e pueblo di Aruba ora cu

a papia cu nan, ta hopi pregunta tabata tin riba kico e medidanan aki ta nifica pa carter di e ciudadano.

Gobierno a keda keto y no a splica kico esaki ta. Pueblo lo haya sa ora cu e medidanan cuminsa preta riba e carter, e ora pueblo lo haya sa kico a pasa den e ultimo hora nan di 2010. gobierno no ta para keto y ta sigui cu e racha di medida. MEP a tuma nota cu gobierno a dicidi di no ahusta e tarifanan cu tin pa impuesto di entrada y impuesto di salario pa 2011. ta asina cu ley ta prescribi cu gobierno mester ahusta e tarifanan di impuesto di entrada y impuesto di salario, cu e factor di coreccion di inflacion.

Pa e dos añanan cu a pasa Aruba a conoce un inflacion di 2,3 porshento. Anto ley ta prescribi cu gobierno mester ahusta e tarifanan cu e suma

encuestion. Ademas di a introduci medidanan, y aumenta di AOV< SVB, AZV y tur e otro, gobi9erno a dicidi di keda sin implementa esaki tambe. Loke ta bay pasa e aña aki ta, cu na momento cu e ciudadano bay cobra e fin di luna aki. nan lo bay mira e consecuencia.

Esaki ta algo cu tur aña a keda haci dor di e gobierno anterior. Loke ta resalta, ta cu e gobierno aki simplemente awor ta keda sin implementa e ley. Gobierno no a splica tampoco kico ta e intencion cu gobierno a uza pa keda sin ahusta. Prijsnan ta subi tur dia na Aruba y esaki a e unico cos cu tin den ley pa duna pueblo un alivio y yudansa. Ta corig e tarifanan di aumento cu e porcentahe cu ta bini di CBS. CBS a publica cu ta 2.3 porshento e inflacion ta y gobierno mester a ahusta e tarifa pero nada no a tuma luga.

Hopi duda si ta trata enberdad di un leon

“Leon di Boroncana” tin atencion di Aruba den su gara



animal exotico den e bario di Altovista. Señor Merryweather, den e entrevista aki a expresa su duda si ta trata di enberdad un leon.

Mas bien por ta trata di un animal felino, di un tamayo igual cu dos biaha un pushi, cu ta conoci como un “ocelot”. E conclusion aki señor Merryweather a yega n’e basa riba e echo cu tin varios persona akinan cu ta cria e tipo di animal aki y tambe e echo cu na varios ocasion e animalnan aki a huy, sin cu nunca a haña sa nan paradero.

E tipo di animal aki no ta forma ningun peligro pa hende, señor Merryweather a sigura pa Bon Dia Aruba. Nan tin djente igual manera por ehempel un leon y ta uza mas bien nan huñanan pa gara cuminda of defende nan mes.

Contrario ta e caso di un leon. E bestianan aki por alcanza un peso di alrededor di 600 liber, tin un apetit feroz y semper ta sali pa busca cuminda den oranan di anochi. Un leon cu tin hamber no ta ria pa ataca



hasta sernan humano. Animalnan manera cabrito, carne y hasta cacho por wordo ataca pa un leon cu tin haber.

Bon Dia Aruba a busca contacto cu vocero di Cuerpo Policial, señor John Larmonie pa sa te con leu e informenan cu ta circula den prensa ta cuadra cu veracidad. Señor Larmonie a bisa Bon Dia Aruba cu tur e rapportnan cu e la les’e te na momento cu nos tabata

papiando cune no ta indica cu polisnan mes a wak e supuesto leon aki. Tur biaha cu a reporta aparicion di e leon aki, ora polisnan a yega, ya e la bay caba.

Esey no ta nifica si cu polis no ta tuma e asunto na serio. Si enberdad ta trata aki di un animal feroz cu por forma un peligro pa comunidad, polis lo sa di actua mes ora, e vocero a bisa Bon Dia Aruba.

BORONCANA.- Nan a señal’e na varios ocasion. Polis ya caba tin alrededor di 5 “denuncia” di habitantenan di Boroncana cu sea a mira e bestia aki of a tend’e ta grita den oranan di anochi. E todo caso, habitantenan di e bario ta hura cu ta trata aki di un leon. Polis mes, nunca a mira e bestia. Tur loke nan tin ta rapport traha cu declaracionnan haci pa habitantenan di e bario. Si ta trata aki di un leon cu hamber no ta mucho cla. Esaki pasobra te na e momento aki ningun criado di bestia

manera cabrito of carne den e area aki a raporta perdida di nan animalnan ni tampoco a raporta na polis casonan di cacho cu a ataca e bestia aki y sufri e consecuencianan. Ta un leon di berdad of un mito urbano?

Bon Dia Aruba den un relato amplio siman pasa di un forma amplio a informa riba e aparicion di e leon aki den e bario di Boroncana. Relaciona cu e informe, nos a hiba un combersacion cu señor Phillip Merryweather, conocido criado di

Tin maneho pa cria animal exotico na cas?

E aparicion di un supuesto leon den e bario di Boroncana y e discusion cu a surgi con bin tin tipo di animalnan asina ta cana rond na Aruba ta lansa e pregunta si tin un maneho di parti di gobierno pa loke ta trata crio di animal exotico na cas. Te asina leu cu Bon Dia Aruba por a averigua, esaki no ta e caso.

Ta conoci cu na Aruba tin decena di persona ta cria diferente tipo di animal exotico na nan cas. Esakinan ta varia di macaco pa lora exotico, di tur tipo di colebra te animalnan manera puma, ocelot y tiger. E criado di e tipo di animalnan mas conoci di Aruba ta Phillip Merryweather, pero kende den un forma hopi responsabel, ta cuida e animalnan aki y ta yena e funcion di un “Parke

di Animal” cu na Aruba, lamentablemente nos no tin. Tenemento di animal exotico na cas, pa “exotico” cu esaki por ta, tin su peligernan cune. Un di nan ta loke ta sospecha di ta e caso awor aki, cu e animalnan ta huy, exponiendo comunidad na peligernan serio.

Pero e peligro mas grandi cu esaki ta representa ta e daño cu un ke otro por causa na nos flora y fauna. E plaga di boa cu nos conoce na Aruba actualmente ta un bon ehempel.

Tin tur indicacion cu e plaga aki a cuminsa cu un of mas di e tipo di colebranan aki huyendo for di e luga unda tabata crianan, cu tur e consecuencianan cu nos conoce awe. Flora y

fauna di Aruba ta bou di un presion enorme pa motibo di e plaga aki. Tin cierto area di Aruba por ehempel cu pa basta dia cana no a mira un yuwana!

Den otro areanan, unda ta conoci cu pa tradicion prikichinan ta pone nan neishi, pa hopi tempo caba no ta scucha ni un solo prikichi ta grita.

Y asina por sigui menciona mas tipo di bestia cu poco poco ta drenta peligro di extincion. Lo no ta mal idea pa gobierno di Aruba probecha di e momentum cu e “leon di Boroncana” aki a crea pa awor si bini cu leinan cu ta regula of hasta prohibi crio di cierto tipo di animalnan exotico na cas. Nos naturalesa no por wanta mas golpi!

Early Bird Carnaval Special

Disfruta **LIVE** di Calypso & Roadmarch
y Tumba Contest riba bo TV

~~Afl. 125,-~~
Pa solamente
Afl. 99,-
Pasa aplica awe mes!

Inclui den e Early Bird Pay Per View:

- Pre-final y final di Calypso & Roadmarch Contest
- Final di Tumba Contest

* Oferta ta valido entrante 3 di januari te cu 12 di januari 2011.
Cliente cu tin pakete digital por pasa na cualkier Teleshop di Setar y aplica pe pakete di Early Bird Carnival Special.

A celebra su prome bishita na Aruba ayera

Bapor Crucero Disney Wonder un extension di e parke di diversion Disney World



ORANJESTAD – E bapor crucero Disney Wonder ayera a crea hopi expectativa di esnan cu a mire di pafo, y tabata puntra nan mes con e bapor ta di paden y si enberdad e ta un extension di e parke di diversion mundialmente conoci Disney World, of Disney Land. Y segun e capitán veterano Henry Anderson esei ta netamente loke e bapor aki ta. Di bishita na Aruba pa 24 ora, tanto e miles di turista abordo como tripulante por a disfruta di nos isla y comproba cu nos tin un isla turistico bale la pena.

Manera cada prome yegada di un bapor crucero na Aruba, esaki a bai cu su ceremonia acostumbra di entrega di plakkaat, e tour abordo y finalisa cu un almuerzo suculento pa e invitadonan special di e bapor.

E bapor riba su mes tin hopi característica di un bapor crucero ‘normal’ cu tur su beneficio y puntanan di comparacion. Pero ta te ei tambe e bapor ta keda ‘normal’ segun standard di un bapor crucero. Su tamaño di 964 pia largo y espacio limita pa 2700

pasahero y 1000 tripulante ta haci e tarea aun mas interesante pa por implementa e ‘momento Disney’, manera cu ta nan so por haci. Pero esun cu subi e bapor di bishita, rapidamente ta haya e impresion cu nan a logra esaki y cu Disney atrobe ta lansa un exito cu e liña di bapornan crucero cu ta hiba su number y hunto cune, su legacidad.

Un persona cu pensa riba Disney ta pensa riba hopi mucha cu ta core rond, y riba e bapor Disney e pensamiento aki tambe ta uno hopi eroneo pa hopi. “Esei bo lo pensa pues. Hopi mucha ta core rond haci desordo” Anderson – di nacionalidad sueco – , a bisa e matutino aki ayera. E bapor ta prepara pa duna e adulto y e mucha e crucero di su bida. Pero pa straño cu por zona, tin mas adulto enbes di mucha abordo. Esei no ta kita afor cu tin hopi mucha ta bin abordo, aunke cu casi bo no ta mira nan.

Pa por a logra esaki, Disney a crea casi 15.000m2 di area pa mucha, cu ta un piso completo dedica na actividad di mucha di tur

edad, supervisa pa un total di 50 profesional dedica 100% na e mucha. Esaki ta cuadra cu standard di Merca pa loke ta e ratio di mucha pa adulto y cu ta garantiza cu tur mucha ta haya e atencion necesario durante nan presencia riba e bapor.

Hunto cu esaki, e ta regla e parti pues cu e mayornan ta haya e tranquilidad necesario pa por disfruta di nan crucero, aunke cu nan ta cu nan yunan abordo. Pa por a logra esaki, Disney a percura pa bin cu un solucion practico cu te awor, ta nan so ta practica rond mundo riba bapornan crucero. Segun e capitán ta splica, cada mucha ta haya un banchi na man, y e mayor ta haya un telefon cu cual e por tin contacto continuo cu e mucha. Esei ta pone cu nan por separa di otro, sin cu tin problema cu e mucha ta perde.

Den nos edicion di mayan nos lo bin cu mas informacion mas amplio riba e bapor y su facilidad bunita cu ta duna cualkier amante di crucero gana di subi ariba y disfruta di algun dia di puro placer.



Parlamentario Sra. Evelyn Wever Croes (MEP)

Ley di pension di Parlamentarionan ta nada mas cu aumento

ORANJESTAD – E areglo nobo cu a introduci pa Parlamentarionan relaciona cu pension, ta simplemente un adelanto. Aunke hopi parlamentario kier pint’e como un entrega, esaki no ta e caso. Ningun Parlamentario sinta awe den e fraccion berde ta entregando nada, si nan no a ocupa un funcion den pasado. E entrego ta conta solamente pa esunnan di fraccion di MEP, cu si a ocupa funcion di Minister.

E miembro di fraccion di MEP a tuma su mes como ehempel. E la indica cu si su carera politico duna pa e sinta dos periodo den Parlamento, despues di e periodo ey e ta sinta dos periodo como minister, e la yega edad di 59 aña. Danki na fraccion di AVP cu a hisa e overbruggingstoelage na 80

porshento bek, e politico por sinta un aña na cas. Durante e aña aki e ta gosa di e compensacion transitorio. E ora Sra. Evelyn Wever Croes ta haci 60 aña y e ta gana e premio gordo. E premio di un aumento di pension di mas cu 3500 florin pa luna extra, algo cu famianan cu ta gosa di salario minimo mester biba di dje. Esaki tur danki na AVP cu a hinca indexering den e ley, porta pa e tempo ey e ta 5 mil florin.

Empleadonan publico mester subi caya pa haya indexering, pero di politiconan si ta den ley. Sra. Evelyn Wever Croes a indica cu e no mester a warda ningun dia pa haya e pension aki, e no mester a entrega nada. Kico e la entrega? E ta simplemente haya y haya mas. Danki na e parlamentarionan di AVP

sosteni pa algun miembro di oposicion tambe.

E motibo pakico esun mas afecta den e leynan pasa na fin di aña dor di gobierno ta empleado publico. Nan aparte di tin cu bay paga mas prima di AZV y mas prima di AOV, ta wordo corta na mes momento den nan pension. Fraccion di MEP ni cuanto nan a puntra kico e consecuencia di e cambionan ta pa pension, MEP no por a haya informacion. E ultimo ley di e medida nan aki tabata dia 30 di december en sala di Parlamento, anto dia 31 di december gobierno a bay firma un acuerdo cu APFA di 70 pagina. MEP a puntra informacion y no por a haya esaki den Parlamento y un dia despues

Loke ta straño ta pakico dicen

Parlamento no por haya e documentonan aki. Fraccion di MEP ta cuestiona e hecho aki y ainda 10 di januari nan no a haya e documentonan. Evelyn Wever Croes a indica cu nan lo sigui vigila e derecho di e trahadonan. Paso ta nan ta e curason di e servicio di gobierno. Nan ta esunnan responsabel pa gobierno haci loke e ta haci. Gobierno actualmente no ta tratando e trahadonan mucho nechi.

Awor aki fraccion di MEP ta sinti cu gobierno ta purba mas tanto cu ta posibel pa retira nan for di trabou. Tin problema den cierto departamentonan di gobierno. Sra. Evelyn Wever Croes a indica cu e ta e ultimo pa bisa cu no tin problema bou di empleadonan publico. Pero tin hopi empleado

publico cu ta traha cu tur cos, sacrifica nan mes y famia, pa nan por yuda gobierno. Awor e cos di mas inhusto cu fraccion di MEP ta haya, ta cu un empleado publico su pension ta wordo corta.

A introduci franchise pa e empleado publico. E edad di pension a aumenta cerca varios y e di tres e la bay pa middelloon regeling. Algo mester a wordo haci, pero no asina drastico.

Pa politiconan a regala un aumento di pension. Entrante e luna aki e politiconan ta bay paga 200 florin menos na pension y e pension ta aumenta. Sra. Evelyn Wever Croes a indica cu a ridiculisa y bisa cu no tin ningun politico cu lo probecha di e aumento aki. Sra. Evelyn Wever Croes a duna un ehempel di su mes.

E no por sin su “Bon Dia” ...

ORANJESTAD.- Ta un echo conoci cu tur hende cu di un manera of otro ta involvi cu politica na Aruba, mester di nan Bon Dia Aruba tur dia pa nan keda bon informa di loke ta acontence den e mundo aki. Sea nan ta gobernante, parlamentario, miembro di partido politico of cualkier funcion cu sea, ta Bon Dia Aruba ta e prome corant cu nan ta tene den nan man pa asina informa nan mes.

Riba e foto por mira parlamentario, lider di fraccion di MEP den Parlamento di Aruba, Candelario “Booshi” Wever, cu su Bon Dia Aruba den su man, siguiendo cu atencion e contenido informativo di e corant di Aruba!

Mata ta causa problema entre bisiña

ORANJESTAD—Diadomingo 9.30 di mainta, polis ta bay na un cas den Caya Sur Desideria pa un problema entre bisiña. Na yegada polis ta papia cu e muhe C, kende ta bisa polis cu e homber M, a menasa di kap su brasanan si e sigui kap su matanan. E homber C. ta bisa cu cada biaha cu C, pasa e ta destrui su matanan. E matanan ta den cura di M., pero ta cay den cura di C, y ta rasca e auto di C. Polis a ripara cu no ta e mata ta e problema, pero cu e dosnan aki tin problema personal cu otro. Polis a conseha nan di bay FCCA pa atende e asunto di cura. M. tabata basta onbeschoft contra e polisnan durante e asistencia.

Ladronnan ta pisca ‘coifish’ for di vijver

ORANJESTAD—Diadomingo mainta e homber J.V. naci na Hulanda ta yama warda di polis y ta bisa cu ladronnan a bay cu su piscanan. E ta bisa cu nan a coy e piscanan for di un vijver cu e tin den cura. Ademá di pisca tambe nan a bay cu mata di awa. Esaki a tuma lugha diasabra 7.30 di anochi pa 9.30 di mainta.



Gobernador Refunjol repasando 25 aña di Status Aparte di Aruba

Awor mester para duro pa e asina yama “wet van de remmende voorsprong”

ORANJESTAD - Pa gran parti nos a logra yega na un organisacion cu ta cuadra cu nos situacion; nos a busca mas autonomia pa nos por tuma destino den nos propio man. Palabra di gobernador di Aruba Freddis Refunjol durante su discurso diabierna ultimo na su ‘nieuwjaars borrel’. Segun e gobernador, esey tawata un escogencia; pa esey nos tawata dispuesto pa tuma nos propio responsabilidad. “Nos tawatin e curashi pa haci esey, pasobra nos tawatin pensa caba con pa duna contenido na nos comunidad y nos propio gobernacion. Hopi importante tawata cu e pensamentonan aki a gosa un apoyo grandi e tempo ey.”

E representante di La Reina ta sigui bisa cu consecuentemente nos pais den e 25 añanan – no obstante

un inicio y despues tambe periodonan dificil – a pasa den un desaroyo economico grandi. Nos a sa di haci bon uzo di e calidadnan special di Aruba y su pueblo; y nos a saca lo maximo di e posicion special cu nos a crea cu nos Status Aparte, pa logra lo cual nos tawatin den mente. “Pero mas cu tur cos nos a pone man na obra. Nos a gara e oportunidadnan cu a presenta cada biaha di nobo. E forsa y e calidad ey a determina unda nos ta para awe.” Refunjol ta sigui bisa.

Gobernador ta sigui muestra cu pa nos gobernacion den cierto sentido tambe ta conta cu tin aparicion di competitidornan. “Nos no tin patente mas riba status aparte; otronan awor tambe ta bay test e formula”. Y e gobernador ta sigui bisa e ora cu ta p’esei nos lo

mester para duro pa e asina yama “wet van de remmende voorsprong”; Den e añanan tras di lomba, nos a logra realisa desaroyo di nos pais cu un combinacion di sentido empresarial y gobernacion efectivo. Kisas cu esaki nos tawata un ehempel pa otronan. Awor esaki lo no conta sin mas y nos lo mester tene cuidou cu conservatismo, demasiado cautela y sentido di auto-complacencia.

Esaki ta pone cu nos lo mester adapta na cambio di circunstancianan; of mihor ainda, nos lo mester considera di nobo con un biaha mas nos por dirigi e circunstancianan na nos favor, of con nos por saca lo maximo di e oportunidadnan nobo. Popularmente bisa nos lo mester hiba nos Status Aparte to the next level!



Gobernador Refunjol



Caso di bentamento di sushi ilegal riba tereno den Corte

ORANJESTAD – Diahuebs awor, 13 di Januari un grupo di persona lo mester presenta den Corte pa duna cuenta pa e delito cu nan a haci. Esaki no ta prome biaha cu den Corte ta bay trata un caso penal contra un grupo di persona pa delito di bentamento di sushi ilegal. Anteriormente tabatin un caso contra un Colombiano pa cu dump ilegal na Matadera, cual caso por cierto lo sigui otro luna. E personanan cu lo mester presenta dilanti Hues ta: F.D., W.H.B., F.J.A.K. y A.T.C.A NV/E.A.

BENTA SUSHI ILEGAL

E grupo aki ta wordo acusa cu den e periodo di 15 di November 2008 te cu 3 di December 2008, conhuntamente cu otronan of un otro, a usa sushi pa yena of hisa un tereno y/of a montona sushi y/of otro desperdicio riba e tereno aki, e sushi consistiendo di yierba y matanan y/of sushi di cushina y/of sushi di construccion y/of sushi di restaurant y/of tire y/of frigider y/of airco y/of mata y/of boter di plastic y/of boter di cerveza y/of palo y/of bleki di verf.

Nan ta wordo acusa di, conhuntamente

cu otronan of un otro, a traha y/of seronan di sushi riba un tereno habri of cera den e periodo di 15 di november 2008 te 3 di december 2008.

CAUSA MOLESTER DI HOLOR Y HUMA

Tambe nan ta wordo acusa di, conhuntamente cu otronan of un otro y sin permiso di minister, a haci trabaonan, esta, hisa y/of yena un tereno, dor di cual a causa desorden y/of molester serio y/of a plama aire y/of gasnan dañino y/of fies, cu por a sinti riba terenonan y/of camindanan bisiña.

DUMP ILEGAL

Nan ta wordo acusa di, conhuntamente cu otronan of un otro y sin permiso di minister, a lanta y/of a amplia un instalacion pa dump sushi, cu dor di plama mal holor y/of huma y/of dampnan y/of desorden a causa molester y/of daño y/of peligro den e periodo.

Alavez nan ta wordo acusa di, conhuntamente cu otronan of un otro, a pone y/of tira y/of basha y/of tene sushi y/of obhetonan pafor un dump apunta pa minister.

Diahuebs dia 13 di januari

Universidad di Aruba cu charla tocante fotografia documental

ORANJESTAD. - Universidad di Aruba ta organisa diahuebs dia 13 di januari un charla pa duna informacion y conscientisa publico riba importancia y e aporte cu investigacion ta duna na desaroyo di un pais.

Den cuadro di esaki lo tene un charla "Fotografia Documental" riba uzo di fotografia como un medio di documentacion y alabes como medio di expresion y conscientisacion social.

Orador di e anochi aki ta Alexis Perez Luna, fotografo famoso riba nivel internacional procedente di Venezuela.

E charla ta tuma lugha pa 7.30 di anochi na L.G. Smith Blvd. 158, edificio APEX (unda CLL y CRD ta situa), banda di e supermercado Superfood.

E charla di Sr. Perez Luna ta cuadra cu e afan di Aruba, cu ta celebrando su 25 aña di Status Aparte, pa enfoca riba mantencion y fortificacion di e cultura y tradicionnan nacional. Alabes, e charla lo accentua e importancia

di fotografia documental pa traha conscientemente na e imagen y cara di Aruba, como pais den desaroyo.

Sr. Perez Luna tin experiencia di trabou amplio y varia na diferente pais di mundo y tin varios publicacion riba su nomber.

Alabes, Sr. Perez Luna ta duna regularmente tayer y curso tocante fotografia documental y fotografia como medio di expresion y conscientisacion social na universidadnan y na organisacion di reportero y fotografonan na Venezuela y den nos region.

E tin alabes un conocimiento amplio di fotografonan di nos region cu a duna un ehempel di e manera con por uza fotografia den e proceso pa fortifica e memoria cultural y social di un pais.

Despues di e tayer "Expedicion Rescate", cu a tuma lugha aña pasa na Universidad di Aruba, e aña aki lo sigui cu algun tayer den cuadro di investigacion y documentacion di nos historia y cultura.

E Centro di Investigacion (CRD) hunto cu e Centro di Lifelong Learning (CLL) di Universidad di Aruba lo prepara y organisa den 2011

diferente curso pa asina prepara participantenan pa salvaguardia dato historico di nos herencia cultural.

P'esey, Universidad di Aruba

ta invita un y tur: pueblo en general, y estudiante, docente y experto riba tereno di estudio social y cultural en particular, pa acudi na e charla interesante aki.

Zahaira Romelus ganado di e campaña "Good4TheFuture" Aruba Bank

ORANJESTAD. - Aruba Bank recientemente a haci entrega di e premio di un Blackberry na e hoben Zahaira Romelus, un estudiante di Maria College MAVO, cu a gana un Blackberry nobo. E campaña di Spar di Aruba Bank a inincia conhuntamente cu e proyecto di Good4TheNeighborhood. "Good4TheFuture" e campaña do spar a inincia dia 16 di augustus y a termina fin di december 2010. Meta di e campaña tabata pa en curasha y motiva e hobennan, pa nan cuminsa spar na un edad hoben, sea ta pa nan estudio, prome auto, un trip den exterior of loke nan ta desea di haci den futuro. Aruba Bank a regala cada estudiante di tercer grado di tur scol secundario cu habri un cuenta di spar pa



estudiante, Afls.25,- riba nan cuenta. Ademas di esaki tur

estudiante cu a habri un cuenta a participa den e sorteo pa gana un Blackberry. Aruba Bank ta gradici tur e studentenan y nan mayornan pa e confianza y sosten cu nan a ricibi cu e campaña.

The Bigger the Better in More

Orario Nobo:
Será tur Dialuna
Habri tur merdia
di Diamars pa Diabierna
2:00 - 6:00 pm
Diasabra
10:00 am - 6:00 pm

Adres: Midden Weg z/n
Tel. 583-0722

191342

TA BUSCA

Kenro Jewelers, awo situa na Santa Cruz 115 B, ta busca bendedor(a)nan cu kier traha independiente pa bende joyas di zilver y stainless steel. Yama nos pa un cita na 585-8909 di 9:00 am pa 6:00 pm

ENCOMIENDAS

Saliendo con encomiendas a Punto Fijo y toda Venezuela 15 de Enero
Apostillamos documentos en Bogota y Caracas.
Tel. 566-1431.
Servicio a domicilio

191345

HITESS
HIGH TECHNOLOGY SALES & SERVICES N.V.
DUTCH CARIBBEAN

HITESS N.V.
Arendstraat 124
Tel : +297 - 588-5966
Fax : +297 - 588-5895
Email : info@hitess.com

BFT Super Special

DEIMOS Kit

- 1 BFT DEIMOS motor
- 2 Remote Control
- 1 pair di Photocells
- 1 Blinker cu Antenna
- 4 Plastic rack di 1m



Just Arrived

AFL.

1015.00

BBO Included



Installacion no ta inclui.

Nos horario: Dialuna- Diabierna 8:00 am - 5:30 pm
Diasabra di 8:00 am - 12:00 pm

Jama nos na 588-5966

For Sliding Gates

Dia 31 di maart 2011

Ultimo dia entrega 'verzamelloonstaat' y 'verzamelstaat opgaaf derden' 2010

ORANJESTAD – Servicio di Impuesto ta participa cu e ultimo dia pa entrega e lista colectivo di salario (verzamelloonstaat) y e lista colectivo di pago na tercera persona (verzamelstaat opgaaf derden) di aña 2010, ta 31 di maart 2011. Despues di e fecha aki lo cuminsa procesa e cobransanan adicional inclui boet pa incumplimento.

Normalmente mester entrega e listanan menciona dia 31 di januari 2011, pero debi cu e paketenan di loonbelasting a sali laat e biaha aki y teniendo cuenta cu e control cu ta eherce na momento di entregamento y e periodo cortico, Servicio di Impuesto a dicidi di prolonga e termino di entregamento.

E prolongacion di termino ta sosode automaticamente pa tur cliente. Pues no tin mester di haci peticion. Servicio di Impuesto ta duna e prolongacion aki un solo biaha.

Despues di 31 di maart 2011 lo cuminsa procesa e cobransanan adicional (naheffingsaanslagen) inclui boet pa e clientenan cu no a entrega e listanan menciona. Den e caso aki e boet pa incumplimento ta maximo Afl. 10.000,-.

Cu e prolongacion di termino, e clientenan por haya mas espacio pa yena nan listanan corectamente y completamente. Servicio di Impuesto ta haci un apelacion na tur cliente pa

entrega e listanan menciona mas pronto posibel y no warda te na ultimo.

Mester tene na cuenta cu ta tuma tempo pa controla e listanan. Si warda te na ultimo ta nifica menos tempo

pa haci coreccion, paramento den rij y e ora e tempo di espera ta bira mas largo tambe.

Entrega di formulario di personal

ORANJESTAD.- Mescos cu tur aña, Departamento di Labor ta pone e formulario pa personal disponibel pa tur doño di trabou. E periodo pa entrega e formularionan lo ta for di 15 di januari te cu 31 di maart 2011.

A base di articulo 3, inciso uno, sub c di e Ley di Labor (AB 1989 no. GT6) tur doño di trabou mester entrega tur informacion tocante nan personal cu tabata den nan servicio durante e aña anterior.

Pa e aña aki a introduci un cambio den e forma pa haya e formulario (personeelsopgaveformulier). E formulario ta disponibel via e website di Gobierno, www.gobierno.aw of www.overheid.aw y por download e formulario of por pasa busca esaki na e balie di oficina di Labor.

Tur formulario yena mester ta entrega na oficina di Labor. Si acaso scoge pa yena y manda e formulario digital, toch mester entrega e version original na Departamento di Labor. Ora di entrega e formulario, lo stempel e documentonan como prueba cu nan a keda entrega y pues cu DAO a ricibi nan. Cada formulario mester ta yena completamente y na momento di entrega lo controla esaki debidamente.

E orario di oficina di DAO ta di dialuna te cu diabierna di 8or pa 12or di mainta y atardi di 1or te cu 4or y ta situa na L.G. Smith Boulevard 134, telefon 583-7720. Si tin pregunta por dirigi esakinan na xiomara.angela@aruba.gov.aw


Explore and capture not commonly advertised, atypical or secret places, people and scenes of Aruba to enrich Aruba's official website www.aruba.com


LAST CALL FOR ENTRIES! January 21st, 2011
There is still time to get yours in!


WIN Prizes


- Apple MacBook Pro 13"
- Nikon D-90 Camera
- iPhone-4 32 GB
- Latest SMART-Phone
- Tiara -air tickets
- Apple Magic Track Pad
- Lacie Hard Disk
Max quadra-external hard drive-2TB
- (.com) Domain Registration + Web-Hosting for 2 years


For more information visit www.aruba.com/tesoronan


BURGER KING



SETAR



ICRtech
VIDEO & PHOTO



ARUBOOK
Your Mobile Universe
www.arubook.com


Nara Air
On time, accommodating and sympathetic.


Boolchand's


DIARIO
El Diario de Aruba


YFMG
WEB CONSULTING
www.yfmg.com


ARUBA

DEPORTE

BON DIA



Aruba

ATCO Indians a laga Duracell Red Machine den tereno ganando 3 - 2




SANTA CRUZ- Liderando cu score di 2 -0, te den e ultimo inningnan di e partido, tur cos tabata muestra cu Duracell Red Machine lo a bini bek den e playoff final di baseball AA. Pero un homerun den di 9 inning di Eldrick Dijkhoff a dañá tur cos, riba dje un careda anota den e di 11 inning a duna e indjannan di ATCO Concrete Indians e victoria pa asina nan bai ariba 3 - 0 den e serie final y awor ta na un victoria di un otro titulo campeonil. Diadomingo anochi e di tercer partido di e play-off final di baseball AA a tuma lugar den stadion di Nadi Croes/ Crismo Angela na Rooi Bosal. Un playoff final na unda e indjannan di ATCO North Indians ta comodamente ariba 2 - 0 den e serie, best out of seven, pues pa Duracell Red Machine no a keda nada otro cu gana e tercer partido aki, ya di e forma aki nan lo tabata bek den wega y haci e serie mas interesante. Te na unda nos a mira e partido esaki tabata uno di duelo di pitcher caminda

e estelar zurdo Diegomar Markwell a enfrenta e MVP di Latino Americano aña pasa, esta e hoben prospecto Richinel Matos. Tur cos tabata cana pareu, te na di 3 inning, ora cu Matos a confronta problema y Red Machine a anota 2 careda. Mester bisa cu Diegomar a luci mihor cu den e prome wega na unda e muchanan di ATCO Indians a dale algun bon batazo, pero diadomingo si e tabata skerpi y e respaldo di su compañeronan tabata mihor. Mester bisa si cu Red Machine na varios ocasion a laga hungador riba base, pues no a probecha di e oportunidadnan cu a presenta. Notable ta cu tabatin hopi reclamo riba e umpirenan pa loke ta e 'call' nan, algun a reclama e zona di strike, esaki tabata mucho halto, otro ora mucho abou, tambe hugadanan cu tabata safe, ta ser canta out, principalmente na primera base. Tin ta puntra ta con por ta posibel pa un wega di final tin solamente dos umpire, acaso ABBA no por haya mas



umpire? Net pa e final no tin mas umpire, imposibel. For di e campo di ATCO Indians nos a haya e siguiente relato: Diadomingo anochi a continua e play-off final di baseball AA entre e Campeónnan di 2010 esta Atco Concrete Indians y Duracell Red Machine. Den un parke yena y rondona cu hende, e publico por a goza di e mihor partido di e play-off aki. Red Machine a presenta cu su astro Diegomar Markwell y ATCO Concrete Indians a bin cu un di e prospectonan di baseball AA Richenell Matos. Matos a bay 6 inning y lagando e wega 2-1 na favor di Red Machine. Di otro banda Diegomar tabata den su anochi propinando e muchanan di Noord 9 ponche y tabatin e wega gana te den bom di 9 inning ora cu e dirigentenan a laga Diego un tiki di mas y lanzamiento 111 di Diegomar a ser deposita den e caya tras di leftfield pa Eldrick Dijkhoff pa manda e wega

Sigui lesa A/19



Mas di e Victoria di ATCO Indians



Continuacino di A/18

Den cabez di 10 inning Red Machine a menaza cu un corredor ariba segunda base cu a avanza riba error di primera base pero Gerald a demostra pakico e ta un di e mihor pitchernan di Aruba y a domina tanto Javier Croes como Alexander St. Jago cu fly pa center. Atco Concrete

Indians como hometeam den cerada di 10 inning a avanza Francis Kelly riba 4 bola sigui di e pitcher relevo Stefano Croes, a bay segunda riba sacrificio di Darl Quandus y a anota riba hit di oro di Christian Diaz, un di e mihor bateadornan di campeonato pa laga Red Machine den tereno. Pa ATCO a start e hobennan Richinell Matos, después

Lendl Dirksz y Gerald Tromp a bin silencio e batería di Red Machine den 9 y 10 inning. Pa Red Machine a start Diegomar Markwell kende a ricibi ayudo di Stefano Croes cu a carga cu e derota. Asina ATCO a pone Red Machine lomba contra muraya y ta dilanti 3-0 den e serie mihor di 7. E siguiente wega tabata ayera dialuna 10 januari pa

8'or anochi y si Atco gana nan lo titula Campeon pa di 4 año consecutivo di baseball AA di Aruba. Probable pitchernan lo tabata Alfred v/d linden pa ATCO y Cheito Croes pa Red Machine.

ATCO Concrete Indians tabatin 3 careda, 6 hit y 2 error mientras cu Red Machina tabatin 2 careda, 6 hit y 0

error. Mihor bateadornan pa ATCO Concrete Indians tabata Eldrick Dijkhoff di 3-2 incluyendo un homerun, Jonathan Ramada y Sicnarf Loopstok 3-1 cada uno. Pa Red Machine a destaca Luigene Eduarda y Kumar Piar, ambos di 3-1. Pitcher ganador tabata Gerald Tromp y e perdedor tabata Stefano Croes.

Giants Baseball Organization y Cai Cai Baseball School representando Aruba na convention di ABCA



ORANJESTAD- Dos di e organizacionnan di baseball na Aruba, The Giants Baseball Organization y Cai Cai Baseball School actualmente ta asistiendo na e convention annual di ABCA International, (American Baseball Coaches Association). Un convention ta inclui tambe un exposicion di tur material di baseball, cuminsando di bala di baseball te equiponan sofisticada pa drecha veld, materialnan nobo pa drecha mechanics di cada mucha, y e seccion na unda cu mas di 6000 coach di Merca y di e resto di mundo ta sigui cursonan avansa riba diferente temanan di importancia, manera "Developing Rotary Power; Taking your practice to the next level; want to be a successful pitcher; an offensive mindset y hopi mas.

Sigur tur mucha di Aruba specialmente esnan cu ta pertenece na e dos organizacionnan aki lo sali beneficoso di e inversion aki den conocimiento cu semper ta keda un challenge di un deportista.

Pa e proximo año e fecha lo ta di 5 pa 8 di januari 2012 na Anaheim, cu lo bira e di 67th ABCA Convention. Si tin mas coach na Aruba cu kier mas informacion por contact Sr. Benjamin Francees y Cai Cai Williams libremente. Mester duna Sr. Cai Cai Williams credito pa a asisti como 30 año consecutivamente na e convention aki. Esaki sigur ta hopi bon pa habri un año di baseball asistiendo na e convention aki, y alavez ta desea tur otro organizacion exito pa e año di baseball di 2011.

Organiza pa ARRUWAC

Exitoso 5 km Urataca Fun Run/Walk



URATACA- Diasabra ultimo Urataca Fun Run & Walk a tuma lugar saliendo for di Plaza Deto Varis, caminda un cantidad grandi di hende a participa na e evento aki cu ta uno hopi popular pa hopi aña caba. For di 4'or di atardi a cuminsa registra y a start pa exactamente 5.30 di atardi. Den coremento Jose Maduro a drenta na prome lugar, na di dos lugar Ludwig Dirksz y na di tres lugar Erickson Lake. Jennelaine Vrolijk tabata e prome dama cu a yega final sigui pa Shariska Winterdal mientras cu Melisa Pizornia a drenta na di tres lugar. Mientras cu e prome canado cu drenta tabata Luis Hunt, na di dos lugar Sigfried Godoy y Mario Croes na di tres lugar y cerca e damanan Chichi Tromp a drenta na prome lugar, Sharon Richardson na di dos lugar y Maiber Farro na di tres lugar. Un danki special ta bay na nos Cuerpo Policial Motorisa y AMA, kendenan a percura pa e seguridad di un y tur riba e ruta. Tambe nos kier a gradici nos boluntarianan cu a yuda nos organiza e evento aki y na tur e participantenan cu a yuda hasi e evento aki un exito rotundo. Den transcurso di siman nos lo tin e resultado completo riba nos website www.arruwac.com.

Riba e combinacion di potret nos por aprecia esnan cu a ricibi nan premio como ganador y tambe algun participante durante e competencia.



Aruba First Extreme Import International Race



ORANJESTAD- Ya tur cos ta cla pa e gran encuentro cu lo tuma lugar diana 27,28 y 29 di januari proximo na Internacional Raceway palo Marga.

Dia 25 lo tin un tremendo carshow dilanti di e edificio di General Store na Sero Blanco caminda e autonan cu lo participa den e Extreme Import International Race tambe lo ta presente.

E Mazda Rx-7 di e hoben Frans Ponson cu a kibra record na Merca cu un 7.10 seconde, tin e organizaci6n di e caredanan na su encargo.

Tambe e dos autonan di The Brute cu ta coriendo na Merca cu Trevor Eman como piloto lo ta presente. For di e momento cu a Sali na cla cu lo organiza careda na Aruba ta masha hopi hende a tuma contacto pa mira si tabata posible pa bin core na Aruba pero ya tabata laat ya cu tur cos tabata cla y regla.


Pa e biaha aki lo tin na Aruba e Mazda Rx-7, Hailey di Aruba; The Kenneth Datsun di Merca; Ken Scheeper cu su Mazda Rx-8 di Merca, Lucimar Mazda Rx-7 di Puerto Rico; Dream Machina, Mazda Rx-7 di Merca y Mazda Pick-up Dilirium Racing di Boris Rojas di Merca.

Frans Jonson ta gradici Ministro Otmar Oduber kende for di prome momento a mustra hopi interes den e proyecto aki.

Pa cubri e caredanan aki lo ta na Aruba RPM Magazine, Mustang Magazine, Dragracing Magazine y un website di Puerto Rico cu ta RPMDRAG.com cu lo ta aki na Aruba pa cubri full e evento.

For di Merca tin plan tambe pa trece un compania pa filma tur careda y pasa esakinan riba un DVD.

Pa defende e bandera di Aruba lo tey entre otro Toyota Scion di Alvin Creeze cu Joy Maduro na wiel, Toyota Coroll Franse Pass Connection cu rayen Maduro, Honda CRX, Small Size cu Kenneth van Putten, Toyota Starlet cu Danny Maduro, Toyota Starlet cu Vick na wiel y hopi mas. Den categoria Box lo competencia fuerte pasobra ta tur hende kier habri aña ganado punto.





Schotlandstraat 51, Suite 4 - PO Box 14 - Tel: 582-3099

BON DIA *Aruba*

*****★*****

**SORTEO
BON DIA ARUBA**



Number: _____

Adres: _____

Abonado

☐ SI ☐ NO

Mester yena e formulario prome cu 7'or di anochi na oficina di Bon Dia Aruba. Mester menciona number completo, adres y number di telefon ariba formulario. No ta acepta formulario via fax of copia. Formularionan sin number, adres y number di telefon no ta valido.



Bo cadena di number di suerte



**Lotto di dia
03-09-11-19-23**



**9123
2933
8429**

8607

5086 Aries

DIARIO

CORSOW



**5832
5976
3675**

**5420
4263
0404**

5552

Mientras Real Piedra Plat Lifida a enfrenta Brazil Jrs **Britannia Lifida a midi forza contra di SV Dakota**






PIEDRA PLAT- E campeonato di futbol Lifida a reanuda, na unda tur e muchanan a cuminsa atrobe cu nan deporte preferi esta futbol. Na tereno di Piedra Plat tanto Britannia y nan rumannan di Real Piedra Plat a mira accion. Den e prome encuentro den Mini Baby e chikitinanan di SV Britannia a gana e amariyonan di SV Dakota cu e score di 7-0. E golnan di Britannia a ser anota pa Denzel Hart (2), Jaydrick Dijkhoff (2), Sidney Papito Kelly (2) y Quion Poppen (1). Pa loke ta Real Piedra Plat, e muchanan tabatin gana di hunga bala, pero e equipo di Brazil Jrs no por a sera un equipo completo, consecuentemente, Real Piedra Plat a gana pa default. Pa loke ta Britannia Baby, esakinan a gana Dakota 8-0, e golnan a ser anota pa Shair Lubo 1, Reegel Winklaar 1, Thion Oduber 4, Santiago 2. Den e categoria A, Britannia un bez mas a enfrenta Dakota, e muchanan di Britannia a bolbe logra otro victoria, ya cu ta dos hungador di Dakota so a presenta pa hunga futbol y asina Britannia a gana pa default. Por ultimo, Real Piedra Plat -A- si no por a duna mucho bataya contra di Brazil Jrs cu a gana cu store grandi di 6-0.

Competencia equino Libertador Betico

Croes dia 29 y 30 di januari

OCA tin plannan serio pa mas structuracion



ORANJESTAD - Apenas aña a habri cu Organizacion Caballista Arubano (OCA) a anuncia su prome evento di aña. Esaki lo tuma lugar dia 29 y 30 di e luna aki na Rancho Monte Blanco. Diasabra lo dedica na e competencia di cabai, mientras cu Diadomingo ta turno pa e competencia di jinete y amazona.

Ya caba a hanya e huez equino kende lo huzga e competencia di ambos dia. Ta trata di Juan Carlos Valencia di Bogota, Colombia.

Desde e sumamente exitoso "Interpaso" na luna di September, caballistanan y e fanaticada a keda den espera pa un evento, pero diferente factor tanto di awasero como di e atmosfera di fin di aña a descurasha e directiva pa hasi

un evento sea oficial of extra-oficial.

E entusiasmo den e deporte di cabai a crese hopi y tin yen di proyecto ta coriendo parew. Un di nan sigur ta esun di reproduccion. Cu gran cooperacion di veterinarianan local y di exterior ta creando posibilidadnan nobo pa dek yeguanan cu un grado di exito mas grandi, pero tambe ofreciendo posibilidad pa trese semen di reproductornan renombra di Colombia y otro pais.


E introduccion di sanger nobo lo yuda grandemente den e calidad di cabai di Aruba cu ya ta basta halto, mirando cu varios cabai di Aruba a score bon den e competencianan mas halto di Colombia, pais cu ta lidera e movimiento di cabainan di paso.

Na Aruba mes tin e ultimo añanan padrotnan di caliber halto manera den paso fino Chino Azul di Tom Pietersz, Ritmico di Alex Mansur y Escandalo di famia Eric Mansur cu a yega di Colombia den ultimo aña pa yuda e reproductornan crioyo manera Aramis di Alex Cybul, Expreso di famia Fausta Oduber, Teniente di Mayron Wever y Patrullero di Camilo Muyale.

Den trote y trocha tambe a yega Centenario di Alex Mansur pa uni na su propio cabai EOS, pero tambe na Candil di Eric Mansur, Victorioso di Cornelio Boekhoudt y Victorino di Dennis Ecury. E aña aki ta anticipa nacemento di cerca di 25 potro, loke ta un aumento considerabel compara cu 4 of 5 cu a nace aña pasa.

Un di e proximo proyectonan di OCA ta e registracion y tipoficacion di ehemplarnan cu nan DNA. Esaki ta un proyecto conhunto cu Fedequinas, cu ta e asociacion mama di tur e federacionnan di Colombia. Esaki ta primordialmente pa ehemplarnan cu a nace na Aruba.

Otro idea di OCA ta pa tene un censo di cabai. Esaki lo por yuda OCA den su planning, pero tambe su representacion di e deporte y raza equino.



New York Yankees ta negociando cu yiu di Corsow Andrew Jones

NEW YORK- Informacionnan for di Merca ta mostra cu e outfielder agente liber, e yiu di Corsou, Andrew Jones, lo ta den combersacion cu dirigentenan di New York Yankees, cu lo ta interesa den su servicionan.

E negociacionnan a continua den fin di siman caminda ayera a drenta informe cu e combersacionnan a alcansa e nivel di contrato y cu e

dos partinan ta tratando na yega na un contracto. Segun un fuente di Sports Illustrated, ainda no tin algo concreto pero si ta conoci cu Yankees ta buscando un outfielder cu ta bati banda drechi ya cu nan lo no kier bolbe firma e outfielder Marcus Thames. Jones di 33 aña, tabatin dos temporada malisimo prome cu el a recupera temporada pasa hungando cu Chicago White Sox den cual el a

conecta pa 19 home run den un rol cu no tabata di regular mientras cu el a aumenta su OPS te na .827 for di .782 y .505 den e dos temporadanan anterior.

Mientras cu e ta drentando su di 15 aña den Liga Grandi, Andrew ya no ta mesun hungado di antes mas ni na plato y tampoco den outfield pero e por duna Yankees un sosten formal den un rol di platoon, caminda

manager Joe Girardi lo por uza su bate contra pitchernan zurdo.

Te cu ayera nochi e ekipo di New York Yankees no a haci mucho riba e mercado di agentenan liber y desde cu nan a faya na firma e pitcher estelar Cliff Lee, e ekipo di New York no a haci mucho mas y tin tur indicacion cu e lo inicia e temporada nobo sin ningun superastro firma.

Windows®. Life without Walls™. HP recommends Windows 7



A GIFT WITH GIFTS

ALL TOGETHER NOW



THE **COMPUTER** IS
PERSONAL **AGAIN.**

ORGANIZE, PRINT AND SHARE YOUR MOST AMAZING MOMENTS THIS SEASON.

When you buy any **HP** desktop like the **HP All-in-One MS235** with genuine¹ Windows® 7 Home Premium and 18" HD LCD screen you get a free **HP DJ3050** Multifunctional printer (AIO Wireless).



HP Multifunctional DJ 3050
(CH383C#AKY)

Your PC,
simplified.



Windows 7

Sales: Boolchand (297) 583-9513, Compudoc (297) 582-3999.

Valid through: December 7 to December 31 or until the end of stock. Computers included in this promotion: Notebook HP Pavilion, HP Netbook and HP Presario, as well as All in One Desktops and CPU + Monitor Desktops. Products, attach, and prices may vary from stores and distributors. Information will be subject to change without prior notice. ©2010 Hewlett-Packard Development Company, L.P. ¹This system may require upgraded and/or separately purchased hardware and/or a DVD drive to install the Windows 7 software and take full advantage of Windows 7 functionality. See www.microsoft.com/windows/windows-7 for details. Microsoft and Windows are trademarks of the Microsoft group of companies.

TURISMO BON DIA



Aruba



LOCAL

**Aruba
Tourism
Authority
a cuminsa
año nobo
reenforsando
e ekipo**


Pagina 5

LOCAL

**“Otra Vez”,
t’e tema
mas nobo di
e cantautor
Jon Secada**

Pagina 9

**Darien
Kastaneer no
a haya e
sosten
necesario
di publico
pa keda den
Popstars**



Pagina 2-3

**Celebracion masha grandi
durante di parada di Flambeau**



Pagina 11



*Beneficiando FAVI, esnan
visualmente incapacita*

**Divi Links &
Divi IMPACT
a conclui
un torneo di
recaudamento
di fondo**

Pagina 13

Darien Kastaneer no a haya e sosten necesario di publico pa keda den Popstars



HILVERSUM – Darien Kastaneer su participacion den e competencia di canto Popstars a caba diasabra ultimo. Despues di a resalta den miles y miles di persona, e Arubiano aki ta yega na e cuarto di final di e programa di television Hulandes. Y apesar di a haya un di su miho puntuacionnan di su trayectoria, e votacion di publico ta loke a marca e diferencia y di e manera ey Darien a cay afo.

Comentarionan riba rednan social tabata abundante apesar cu diasabra ultimo Aruba tabata den gara di su prome parada di Carnaval. Hopi ta esnan cu tabata conecta pa medio di internet y pin y cu famia y amigonan mirando e show en bibo na Hulanda. E tristesa y decepcion tabata grandi, mas ainda mirando con obvio ta cu e talento di Darien y su presentacion e anochi aki, tabata superior na esun di Simone, pero sigur sigur, riba esun di Dean.

Den e prome presentacion Darien a canta un tema di genero dance di cual e hurado tabatin bon comentario, sin embargo, a bolbe hala su atencion como cu na nan parecer



Darien no ta sali di su 'comfort zone'. E biaha aki el a haya un puntuacion di 7, 8, 9 y 8 loke a dune un promedio di 8, pareu cu Simone.

E anochi tabata uno dedica na temanan di compositor y cantantenan Hulandes. Como tal, e di dos tema cu Darien a presenta tabata 'Blijf Bij Mij' di Paul de Leeuw, exito grandi di decada 70. Den su prome interpretacion, Darien a pone tur hende haya kipevel. E hurado a sa di duna e hoben Arubiano un bon puntuacion den forma di 9, 9, 10 y 10. Esey a duna un promedio di 8.3, loke a pone Darien riba Simon y lagando Dean na ultimo luga.

E ora ey Hurado su trabao a caba y tur cos a bay den man di publico cu mester a yama y manda mensahe. Tur cos tabata den man di e audiencia Hulandes cu probablemente no a pordona Darien di a cay pa di dos siman consecutivo entre esnan den peliger pa bay. Manera por a compronde, e comunidad Arubiano na Hulanda a respalda nan

Continua B/3

Continuacion di B/2



paisano, pero asina mes no tabata suficiente.

Un resultado cu a laga un y tur den e estudio di Hilversum boca habri. Ainda e hurado den su ultimo chens pa expresa nan opinion, a ser pidi pa bisa ken nan lo kere ta bay, y aunke dos no a durf bisa, net e dos hurado di mas critico a indica cu ta Simone mester bay, dus mustando claramente cu ta Darien.

Tur esnan cu a wak e transmision en bibo y e video riba internet no por nenga cu te hasta e lagrimanan di Simone, despues cu e resultado a keda anuncia, no ta muestra como lagrima di alegria paso el a pasa pa e semi final, pero mas bien, un yora di tristeza cu Darien no ta sigui. Ta mane cu Simone mes tabata convenci cu ta Darien ta esun cu merece di sigui den e competencia. Manera nan ta bisa, no tin awa mas pa laba y e publico



na Hulanda a tuma su decision. Increibel con loke prome tabata muestra como un bentaha pa Darien, esta su carisma y popularidad den publico, ta hustamente loke a lague na caya e biaha aki. Por bin cu hopi teoria, sin embargo e resultado ta keda mescos.

Y ningun hende por bisa kico ta bay pasa awor cu e futuro artistico di Darien. Si nos sa, pasobra e mes a yega di expresa, cu e tin varios

oferta riba mesa. Sin duda oportunidadnan lo bati na su porta danki na e gran fama cu su paso den e programa aki a dune.

Te hasta por tribi di mira Darien su salida como algo

positivo.

Si bo tene na cuenta e record di e competencianan aki di canto sea ta na Aruba, Venezuela, Merca of Europa, ta hustamente esnan cu no ta gana, ta haya mas tanto exito despues di e programa.

Un David Bisbal no a gana na Spaña, un Carrie Underwood tampoco a gana na American Idol. Saliendo di e punto ey, ta kere y ta spera cu ta hopi cos bon lo tin den caminda pa Darien. Den su ultimo palabranan den e programa, el a gradici tur hende cu a yude, tur esnan tras di camara cu ta hopi pa menciona, pero e tabatin un danki special pa Aruba cu tabata complemente su tras.

No ta keda nada otro di bisa cu: Aruba a biba varios siman di emocion y orguyo enorme di por a mira un yiu di tera bou di spotlight y demostrando su talento. Tabata hopi dushi di por a tende Aruba su nomber resona siman aden y siman afo. Darien pabien, bo a yega hopi leu y bo mester sinti bo hopi orguyoso. Hopi exito den futuro.



DIANAN DI FIESTA OFICIAL PA AÑA 2011

Aña Nobo	Diasabra	1 di Januari 2011
Dia di Betico	Diamars	25 di Januari 2011
Dialuna di Carnaval	Dialuna	7 di Maart 2011
Dia di Himno y Bandera	Diabierna	18 di Maart 2011
Diabierna Santo	Diabierna	22 di April 2011
Pasco di Resureccion	Diadomingo	24 di April 2011
Di dos dia di Pasco	Dialuna	25 di April 2011
Aña di la Reina	Diasabra	30 di April 2011
Dia di Labor	Diadomingo	1 di Mei 2011
Dia di Asuncion	Diahuebs	2 di Juni 2011
Pasco di Nacemento	Diadomingo	25 di December 2011
Di dos dia di Pasco	Dialuna	26 di December 2011

NOORD AWO TIN MELAO DE CAÑA



NOORD - Diabierna ultimo 7 di januari a habri su portanan, di manera oficial, e establecimiento 'Melao de Caña'. Ta trata di un restaurant y bar nobo cu ta cla pa sirbi e becindario di Noord y Aruba en general.

Na e celebracion di apertura a asisti famia, amigo y socionan comercial di e propietario Ubira Rivero. Tur ta desea Ubira y personal di Melao de Caña hopi exito y prosperidad. E restaurant ta situa riba e boulevard di Palm Beach pariba di cruzada di banconan banda pazuid di caminda.



Aruba Tourism Authority a cuminsa aña nobo reenforsando e ekipo



SAVANTETA – E ‘ATA nobo’, un ekipo rehubece, minimalisa y privatisa como motor di e turismo na Aruba, a cuminsa e aña nobo cu un ‘retreat’ pa tur miembro di personal y directiva na The Old Man and the Sea na Savaneta.

Un tiki intimidante prome dia di trabao na nan oficina nobo, a logra kibra e ijs rapidamente y un spirito nobo y vibrante a invadi e grupo. Yen di harimento y un reaccion cu entusiasmo a haya pa tur e lectura y ehercicio. Director nobo di e ‘ATA nobo’, manera e ta yame, esta Ronella Croes, ta hopi positivo y yen di energia pa cuminsa fresco: “Nos prome prioridad ta pa reorganisa ATA, afina e plannan di mercadeo pa 2011 y wak e plannan riba termina largo pa desaroyo sostenibel y proteccion di e producto ‘Aruba’.”

E ‘retreat’ pa e personal mas chikito di ATA tabata dirigi

pa Healing Well Formulas, of Petra van den Berg, life coach y experto den e tereno di mente, curpa, bida y consenshi den combinacion cu Siouxsie Kock, kende ta specialisa den liderazgo y educacion. E retreat tabata enfoca riba renobacion di relacion, conscientisacion, visualisacion, comunicacion, balor propio, trabou den ekipo, liderasgo y pordon, como tambe buscando e balans; e topiconan tabata treci dilanti pa medio di ehercicio y lecturanan.

“Esaki ta un comienso nobo pa tur hende, ATA awor tambe ta incorpora e oficina di Cruise Tourism, tin algun cara nobo den posicionnan halto y nos ta conociendo otro atrobe,” Ronella a splica, kende su personal ta consisti di 36 empleado na Aruba y 20 den exterior.

E proceso di privatisacion a inclui un periodo di reclutamento cu tabata habri pa tur hende. Mas di



500 persona a aplica pa un variedad di trabou habri. Hopi di e ex empleadonan di ATA a keda escogi pa e ATA nobo: 30 di e 36 trabounan habri a bay pa nan. “Mi ta wak esaki como un comienso nobo di

un chens unico,” Ronella ta comenta, kende tabatin seis aña como director di e oficina di turismo na Boneiro. Hunto cu Sanju Daryanani-Luidens (Chief Marketing Officer) y Dylan Callister

(Chief Financial Officer) e ta asumiendo e periodo di transicion cu energia y entusiasmo. Bendiciona pa un Pastor, e ekipo nobo di ATA ta cuminsando cu pia drechi.

Feng Da a habri aña repartiendo premio



ORANJESTAD - Weststraat, pa di varios Algun dia atras Feng Da Supermarket, e establecimiento di Cu e sorteo aki, e comestibles situa na supermercado den e

bario di Rancho, kier a yama danki pa e sosten y confiansa ricibi for di su clientela grandi. E sorteo pa e campaña a keda transmiti en bibo dor di Canal 90 caminda Stanley Arends a anuncia e diferente ganadonan. Riba e combinacion di potret por mira con e ganadonan a ricibi nan premio for di man gi gerencia di Feng Da Supermarket. Pabien.



Receta di MAMA

Bon Appetit!

Chicken Cacciatore

Ingredientenan:

- 3 lb di galiña drumstick, thighs y breast
- 3 cuchara grandi di azeta dushi
- 2 cuchara grandi di manteca of manteca Blue Band
- 1½ cup di ciboyo geslice
- 1 teenchi di knoflook machica
- ½ cup di wortel corta chiquito
- ½ cup di selder corta chiquito
- 2 cuchara grandi di peterselie corta chiquito
- 1½ theelep di salo
- ¼ theelep di peper
- 1 bay leaf laurierblaadje
- ½ theelep di basil
- 1 bleki di tomati
- 1 bleki di saus di tomati
- ½ cup di biña corra cavinor
- 1 botter di mushrooms henter



Preparacion:

Laba e galiña cu lamoenchi. Seke cu kitchen towel of laga seca. Keinta e azeta y manteca den un wea di hero. Hasa e galiña, bire tur dos banda te ora e bira bruin. Pone e galiña den un tajo un banda. Awor pone e ciboyo, knoflook, wortel, selder, peterselie, salo, peper, bay leaf y basil den e wea. Hsa e speccejnan mientras ta drei nan te ora nan ta un tiki brin. Basha e bleki di tomati y e saus di tomati aden, mezclanan bon y machica e tomatinan cu un fork. Laga nan herbe y sigui drei. Baha e candela y laga nan smoor pa 20 minuut. Agrega e galiña y e biña, bolbe pone e tapadera y smoor e pa 50 minuut. Hala un funchi y sirbi e galiña cu ne.

Pa 8 persona

Personal di Antraco Aruba Group comprometi cu medio ambiente



ORANJESTAD - Antraco Aruba Group ta anuncia cu tur nan miembronan individualmente a firma un polisa nobo di Compania encuanto cuido di medio ambiente, treciendo asina un otro primicia na Aruba. E polisa ta encera cu cada miembro ta compromete su mes pa duna servicio di calidad den un manera cu ta garantisa un luga di trabao sigur y sano y minimalisa e posibel

impacto ariba e medio ambiente.

Cada miembro a compromete su mes pa traha cumpliendo cu tur ley di medio ambiente y lo haci su empeño pa preveni polucion y pa cumpli cu e miho practicanan ambiental na tur momento. Riba e potret nos por mira un grupo grandi di miembronan di Antraco Aruba Group.

Aruba Tourism Authority hunto cu SeaWorld Parks den The Boston Globe Travel Show



BOSTON - Aruba Tourism Authority a firma como patrocinado pa e Boston Globe Travel Show pa di seis aña consecutivo. SeaWorld Parks & Entertainment and Vacation Outlet ta 'lead sponsors', y Bermuda Tourism y TNT Vacations' ta 'contributing sponsors' pa e show 2011, cu ta tuma luga di 11 pa 13 di februari na Seaport World Trade Center na Boston.



“ Nos ta ansioso di ta parti di e show e aña aki atrobe y educando bishitantenan riba tur loke Aruba tin pa ofrece, for di bon clima henter aña y habitantenan amabel, te na hotelnan di clase mundial, restaurant excelente y un variedad amplio di actividad. **”**



The Boston Globe Travel Show ta un exhibicion di turismo bon atendi na Merca, atrayendo un audiencia educa y bon para for di henter New England. Na 2010, mas di 20.000 consumidor y 2.000 profesional di turismo a atende e show aki. Mas di \$5 miyon den turismo a keda reserva durante e expo mas, cerca mas di 250 participante. Aruba Tourism Authority ta forma parti di The Boston Globe Travel Show for di su introduccion na 2005.

“The Boston Globe Travel Show ta ofrece nos un chens di acerca un cantidad grandi di consumo, hopi di cual ta bain e show cla pa reserva un vakantie pa Aruba. Hopi ta activamente buscando informacion riba hotel y actividadnan na Aruba, mientras ta wak rond di e show pa special y e mihor oferta,” asina Colleen Lessard, di Aruba Hotel & Tourism Association ta bisa. E 2011 Boston Globe Travel Show lo presenta un variedad di seccion mustrandó destinonan di biahe di rond mundo, special di crusero, biahe di aventura, huur di vakantie, plan di vakantie, y

hopi, hopi mas. E show tambe ta inclui seminario, musica y presentacion di baile, demostracion di cushina, servicio di paspoort express yun variedad di actividad pa henter famia. Pa di dos aña consecutivo, e show lo presenta “The Engagement Game” caminda un pareha afortuna lo gana un luna di miel completamente paga.

Publico na e show lo siña riba oportunidadnan nobo y emocionante di biahe variando di economico pa luhoso, opcion di huur y hopi mas. Esnan interesa den reserva un vakantie, por haya hopi bon ofertanan na e luga. E evento di tres dia ta presenta mas di 250 pais of negoshi

participante, representando cada segmento di e industria turistico y ofreciendo informacion detaye riba biahenan pa cualkier region di mundo.

Patrocinadonan di Oro y Plata ta inclui Omni Mount Washington Resort, The Bethel Inn Resort, Cruise Travel Outlet, Essex Resort & Spa, Greater Portsmouth Chamber of Commerce and Poland Spring Resort.

Cada patrocinado lo tin un espacio di exhibicion riba e vloer pa muestra su destino. Fuera di esey, hopi patrocinado lo ofrece presentacionnan cultura pa muestra e musica, arte of cuminda di nan region.



Phone numbers

Animal Care Clinic: 582-8382
Contreras Veterinary Services: 587-0917
Veterinaire Kliniek Wayaca: 582-1720
Cas Animal and Animal Ambulance: 742-8732
Weekend emergency: 911
Animal Shelter Wayaca: 582-1623
Veterinary Services: 585-0400
Serlimar: 584-5080

Emergency only!

593-0404
593-0603
(Info about vets on call)
(Last option/resort)
(Pick up of injured animals)
(Pick up dead animals)

E-mail address: ara@setarnet.aw /
ARA hotline: 594-5393

SHWBIZ KLIP

BON DIA



J-Sonic & Mac bwoy ft. Galloway Jr & Genavive ta lansa hunto tremendo tema titula “It’s the Time”..

E talentoso vocalist Galloway Jr. no ta un figura desconoci den nos carnaval, mas ainda cu e apel no ta cay mucho leu di su mata ya cu su tata ta un di e leyendanan den e festival di roadmarch & Calypso. E hoben aki tin un par di aña caba na Hulanda y e t’aya hacienda su studio professional. Pero e la yega di ta varios biaha di vacantie na Aruba p’asina disfruta carnaval cu t’e exprescion cultural mas grandi di nos isla. Den e tema nobo cu a wordo lansa un par di dia atras, e ta wordo compaña p’e voclista Genavive cu sit a un number desconoci, pero manera nos a compronde e ta mitar Arubiano y e otro Hulandes, e ta un di e voznan cu sigur lo bay impacta caribe y specialmente Islanan Ariba, pa su color di voz y sensualidad. pero mester duna credito sigur n’e productor y e ingeniero di grabacion (JmL Studio’s Holland) den e caso aki cu ta J-Sonic hunto cu Mac Bwoy, ambos Arubiano residencia na Hulanda cu



Riba potret nos ta ilustra Jason Steba cu tabata invitado special na 101.7 FM Blizz den e programa di carnaval Blaaazz’e unda cu e la detaya masha hopi cos di e tema aki. Jason Steba ta masha contento di e reaccion positivo y alentador di e diferente radio stacion local di e tema cu e la produci y cu esai ta canta pa Galloway Jr & Genavive.

a profesionalisa nan mes den e mundo musical. Manera ya caba nos tabata splica Galloway Jr. ta un roadmarch soca artist conoci pa varios hit cu e grupo B.M.W y ATNG, actualmente e la yega e siguiente paso den su carera p’asina e mercado cu e ta den dje serca conoci cune mas di serca, mspecialmente esun di e mundo international di soca. Su plan despues di e sensiyo aki ta pa graba su prome solo album pa cual tin msha hopi expectativa rond di esaki. Pa loke t’e cantante Genavive, e ta un ‘up coming artista’ cu porcierto ta domina masha bon e ambito di pop, per odor cu su pasion pa soca ta asina vibrante e la dicidi di participa den e proyecto musical aki y cu porcierto e productor di Genavive a duna nos di compronde cu su prome solo album ta programa ya caba pa sali na 2012. Un hoben super talentoso ta J-Sonic, su number

real ta Jason Steba, E ta un musico y alavez productor cu pa varios aña caba ta aporta n’e carnaval di Aruba den forma parti di diferente banda local entrenan nos tin cu menciona BMW, Passion, ATNG, Prive y 2 Sweet. Mientras cu Mac Bwoy cu tambe ta Arubiano residencia na Hulanda, t’e co-producto den e produccion aki. E t’e persona cu a haci diferente trabao den diferente genero y ta e la dicidi di tuma e reto aki como uno masha personal p’asina infiltra su mes den ‘soca muisc’. Cu e proyecto aki di ‘soca music’ nan kier kibra tur ijs y barera p’asina drenta c’un bon pia riba e Mercado internacional di soca. E concepto treci den e tema aki ta conta cu e element basico di nos roadmarch local, esta esun Arubiano. Pasobra na unda bo bay biba esaki ta algo

cu bo no por re-emplasa pa nada otro, bo ta carg’e den bo sanger pa resto di bo bida. No tabata facil segun Jason Steba pa tuma e elementonan aki di nos musica y tog dun’e un color internacional, pero nadano ta dificil den e dianan aki. C’un tiki di esfuerso y traha hopi mente habri na ideanan nobo y p’asina pone bo mes na nivel competitio di cualkier artista di soca den Caribe. Esaki ya caba ta e prome y un bon stap p’asina drenta ya cu manera nos a combersa cu Jason Steba e la duna nos di conoce cu ya caba e la haci contacto cu diferente figuranan importante den e genero menciona cu a mostra nan interes pa cu e tema nobo aki. E concepto riba su mes a tuma basta tempo pa hinka esaki den otro p’asina trece algo nobo y fresco riba na nivel international.

SHWBIZ KLIP

BON DIA



“Otra Vez”, t’e tema mas nobo di e cantautor Jon Secada

Jon Secada a caba di saca riba mercado su album nobo yam “Otra Vez”, di esaki ta destaca e sensiyo ‘Déjame quererte’ cu ya caba por wordo skucha na radio stacionnan hispano na Merca.

“Déjame quererte” ta un tema movibel unda cu e cantautor ta fusiona ritmonan pop y tropical, den cual ya caba ta disponibel den formato digital of via di e digita di Apple, asina ak a wordo anuncia dor di su representante. Jon Secada, ganado di 2 premio Grammy y 1 Latin Grammy, a participa aña pasa

den e programa ‘Mira Quien Baila’ na television na un di e canal nan Hispano na Merca. Durante su carera musical, Secada a acumula e benta di mas di 20 Mion album rond di henter mundo cu temanan manera ‘Just Another Day, Angel y I’m Free’. Tambe e participa den e produccion di exito musical di artistanan manera entre otro Gloria Estefan, Ricky Martin y Jennifer López. Secada a participa den obranan na Broadway y e la actua banda di leyendanan manera Luciano Pavarotti y Frank Sinatra.



Recientemente Christina a admiti cu e ta sinti “amor” por supareha nobo

Despues di un doloroso divorcio cu Jordan Bratman, recientemente Christina a admiti cu e ta sinti “amor” pa su pareha nobo cu e la conoce na momento cu e meneer aki tabata asistente di produccion den e pelicula ‘Burlesque’. “Si tin amor eyan, si. Matthew ta un persona special. Nos tabatin un Amistad basta fuerte den e pelicula. E t’e tipo di persona cu bo pasa oranan largo na telefon papiando y di diripente ripara cu ta mainta, cu solo a sali”, esaki tabata e declaracion di Christina.

E la sigui bisa: “Asina cu e papel di divorcio a sali, nos a cuminsa sali. Mi a caba di laga atras un matrimonio di 5 aña, asina ta mi ta trankil p’ami ta feliz. Mi ta pasando un momento masha divertido ora cu mi sali, cos cu mi’n tabata haci pa hopi tempo. Christina Aguilera tabata biba di hotel pa hotel na Los Angeles despues cu e papelnan di divorcio a wordo yena p’e y Jordan mas o menos na october 2010, esaki a pasa despues cu e ehecutivo musical a nenga di bandona e cas.

Madonna tin gay nobo cu no ta canta Coco-yoco

E Diva di pop Madonna a bin ta mostra cu e ta masha bon den e parti humoristico y e la muestra su miho sonrisa asina mes cu e ta wordo acosa p’e parazonan unda cu e bay y sali, pero semper e ta wordo compaña pa su gay nobo cu ta wordo rondona pa un batayon di bodyguard.

E cantante a kibra su relacion cu e modelo Brasileiro Jesús Luz di 22 aña, cu Madonna a lans na fama for di tempo cu nan dos a graba un video musical hunto e tabata e DJ. E adkision nobo di e diva tin 33 aña ta un coreografo y e la yega di dirigi varios di su pasonan den su ultimo gira.





Carnaval 57 ta moviendo y esaki ta loke cu tin na caminda

ORANJESTAD – Despues di un tremendo fin di siman di apertura di Carnaval, tur cos ta sigui move pa e actividadnan mas grandi.

Ta recorda tur esnan cu ta participa pa e competencia di prins y pancho cu inscripcion ta habri te cu diahuebs ora di reunion y despues ta tira lot. Esaki lo ta e prome

competencia di e gran temporada y asina lo sigui mucho mas.

Mas detayenan di e otro actividadnan lo sigui durante di siman pero bo por cuminsa prepara bo mes pa cosnan grandi na caminda mientras cu e Carnaval ta sigui cana den tremendo rumbo y asina tambe sigui crece.



*Carnaval Happy Hour
14 Januari 2011

*Salasa dance contest hubenil
15 Januari 2011

*Prins & Pancho
16 Januari 2011, Aruba Entertainment Center pa 6.30 pm

*Inscripcion Tumba Contest #41
19 Januari 2011 for di 6or pa 9or di anochi

*Carnaval Happy Hour Friday
21 Januari 2011

*Contest di Calypso y Roadmarch Infantil Hubenil
22 Januari 2011, Aruba Entertainment Center cuminsando pa 6.30 pm

*Inscripcion Calypso & Roadmarch Contest
23 Januari 2011, for di 6or pa 10or di anochi

*Tumberito Festival
24 Januari 2011, Aruba Entertainment Center cuminsando 6.30 pm

*Carnaval happy Hour Friday
28 di Januari 2011

*Tumba Contest #41
29 Januari 2011

*Parada di Blaas San Nicolaas
30 Januari 2011, cuminsando 2or ruta regular San Nicolaas

*Pre-final Calypso y Roadmarch
31 Januari 2011, cuminsando pa 7.30pm





Celebracion masha grandi durante di parada di Flambeau



ORANJESTAD – Un celebracion masha grandi tabata tin riba caminda durante di e prome parada pa e temporada di Carnaval aki.

Multitud grandi di hende a gosa y disfruta tanto den e parada como na banda na unda cu musica tabata yega dushi, duro y cu ta pone bo move y sacudi.

Wak pa bo mes un poco mas di e gran ambiente aki cu sin duda algun a pone tur hende balia, gosa y diberti nan mes riba e prome diasabra den e temporada di Carnaval.

Sigui mira pagina 12

Goza di Carnaval 57
lagando bo cas
den bon man

Lease AWG 115,-
pa luna

- Buglar Alarm Systems • Fire Alarm Systems
- Acces Control Systems • Sound Systems
- Networking and Data Cabling • PABX Systems



Safety. What a Feeling!

Continuacion di pagina 11



ONE DOWN...MANY TO GO ACTIVIDADNAN A CUMINSA...Y FALTA HOPI MAS

Carnaval 57 a cuminsa oficialmente cu e fakkel optocht
 Gruponan bailando, bandanan musical lorando e bocht
 Caranan contento, pa demonstra e zjeito pa bida
 Carnival lovers, alegria den esnan cu ta stima
 Nan cultura sea adapta of no, cu intensamente ta wordo expresa
 Cu mayoria biaha e push di alcohol tuma
 Hopi hende riba caya pa mira e parada aki di candela
 Hopi cu a keda cas, y sigui ele manera un tele novela
 E candela cu ta den cada movecion di alegria
 E candela di paden cu ta pone cada cara briya
 Ta dushi cu nos pueblo uni ta celebra nos dushi carnaval
 Ta dushi pa un pueblo uni ta manera un famia grandi special
 Y aunke lo tawatatin algun cos cu por a bolbe sali for di man
 Den e temporada dushi y alegre aki, sea pa otro un bon prohimo ruman
 Tira bista riba nos muchanan, y tambe riba nos hobennan un tiki tribi
 Pa tur por jega nan cas bek sano y salvo, aunke cu e curpa bastante bebi
 Un actividad carnavalesco ya ta trai lomba, tin hopi mas na caminda
 Aruba dushi ,por favor sea conciente cu kiko y cu con hopi bebida bo kier brinda
 Adultonan sea un bon ehempel pa tur den bo cercania
 Pa tur por jump , balia y celebra tur e otro actividadnan tambe cu hopi alegria
 No baha rabia bieuw cu tiramento di botternan di cerves
 Comporta cu respet pa otro y pa bo mes
 Clausurando cu nos peticion na Dios cu ta laga nos fiesta den musica y alegria
 Cu un sonrisa ta wak un pueblo uni celebra den gozo y harmonia
 Ningun hende ta sokete, den Carnaval cincuenta y shete
 Ban demonstra na turistanan y bishitantenan nos alegria cu bon manera yen di pikete !!!

Ruthy "Lady Ruth" Vrieswijk-Bergen
 Aruba, Januari 2011

Beneficiando FAVI, esnan visualmente incapacita

Divi Links & Divi IMPACT a conclui un torneo di recaudamento di fondo



DIVI LINKS – Un gran cantidad di hungador local y bishitante a disfruta di e prome torneo di golf di aña na Divi Links, dedica na FAVI, cual ta e fundacion cu ta yuda personanan visualmente incapacita y ciego cu ta biba na Aruba. Presente pa sostene e iniciativa positivo aki tabata Director Gerente Alex Nieuwmeyer y su ekipo di maneho. E torneo tabata organisa pa Divi IMPACT – cual na Ingles ta para pa “Improving Motivating and Providing the Aruban Community Together.” E fundacion caritativo ta diseña pa mehora e calidad di servicio comunitario externo y interno na Divi su cinco propiedadnan di resort riba e isla.

Presidente di IMPACT Carol Jansen a splica cu e fondonan pa servicio comunicativo ta wordo genera via deduccionnan boluntario di

salario di empleado, iguala pa Divi Resort Corporation, y pa eventonan caritativo, manera e torneo di golf.

Clientenan di FAVI tambe a participa den e evento, presenta cu cocktails delicioso y tremendo hors d'oeuvres durante e ceremonia di premiacion na Mulligan's Gold Café, Bar & Restaurant.

E torneo a presenta un total di Awg 4,165.20 na FAVI, un organisacion cual ta sirbi mas di 250 persona visualmente incapacita y ciego riba e isla, variando den edad di algun luna pa pa casi 100 aña.

E ganadonan di e prome luga, Gallardo Rafael y Roelofs Valk Jan, a ricibi un estadia di fin di siman gratis na un di Divi su tremendo resortnan; ganadonan di e di dos luga Sayers John y Barney Brian a ricibi un Brunch di

Diadomingo na Windows on Aruba. Wilhelmina Thiel di FAVI a gradici Divi IMPACT y Divi Links calurosamente, pa e gesto excelente y pa a yuda haci e bida di esnan visualmente incapacita y ciego mas yen di alegria y cu mas posibilidad. Mas cerca di e pin tabata Neil Russell y Drive Mas Largo tabata Pim Smits, cada un a ricibi un masashi complimentario for di Indulgence Spa.

Aki por mira e donacion presenta pa Director Cetty Baarh-Bijlhoudt, y e ceremonia di premiacion.



Programa special dedica na Bobby Farrell

ORANJESTAD - Tabata Dia 30 di December 2010 den oranan di mainta cu e noticia a yega cu e conocido cantante famoso di mundo y frontman di e grupo Boney M Bobby Farrell a fayece na un hotel na St. Petersburg na Rusia despues cu Dia 29 di Januari 2010 Bobby Farrell hunto cu e grupo Boney M a haci un concierto masha exitoso na Rusia y pa su siguiente dia ta fayece na hotel pa motibo di problema cu curason.

Ta asina cu e mainta ey e conocido artista Bobby Farrell no a contesta e wake-up call di front desk di e hotel y na unda esnan di front desk mesora a bati alarma y a habri e porta di su camber pero e no tabata duna señal di bida mas, tanto dokter y autoridadnan a wordo poni na haltura y despues cu dokter a constata morto natural y un investigacion profundo a wordo haci pa autoridadnan cu a bin constata cu Bobby a fayece un morto natural. E gran cantante aki cu fama mundial ariba nivel di artistanan grandi manera James Brown, ABBA, The Bee Gees, Michael Jackson y hopi otro mas.

Bobby ta naci na Aruba Dia 6 di October 1949 y ta di San Nicolas. E ta e gran cantante, baliarino y show man di fama mundial y e artista Arubiano cu a yega mas leu den historia di Aruba.

Su number mes ta Roberto Bobby Alfonso Farrell miho conoci na mundo como Boney M of e meneer di Boney M aunke e grupo su number mes ta Boney M forma pa tres dama y un hende homber cu ta Bobby Farrell. For di su 15 Aña di edad Bobby Farrell a laga Aruba y a bay nabega ariba barco. Bobby tabata biba prome na Noruega y Hulanda y despues a bay pa Alemania na unda Bobby a bira un Dj masha conoci mes for di unda e productor Frank Farian di e grupo Boney M a conoce y na Aña 1974 Bobby Farrell a bay forma parti di e grupo Boney M.

Mester menciona cu e grupo tabata tin su temponan bon y temponan malo cune. Diasabra Dia 8 di Januari 2011 □ cu Bobby Farrel a ricibi un entierro masha special na Hulanda cu tabata masha emocionante ora cu e bandera di Aruba a tapa e caha di Bobby Farrel. Tanto na Hulanda y rond di mundo como tambe aki na Aruba por a mira con e cantante y bailarin di fama mundial tabata recore e cayanan di Amsterdam den e auto di morto Rolls Royce y cu su caha cubri cu e



bandera di nos dushi isla Aruba cu e la stima asina tanto y na tur caminda cu e la biaha semper e la papia di su isla stima Aruba.

Durante e ceremonia di entierro varios artistanan a duna nan tributo na Bobby Farrell entre nan e tres integrantenan di Boney M y tambe tabata di aprecia con Minister Plenipotenciario Sr. Edwin Abath a hiba palabra. Nos gran amigo Robby Schouten tambe a hiba palabra y a pidi standing ovation pa Bobby Farrell y alabes a cubri e entierro di Bobby Farrell pa television y pa cual nos ta aprecia masha hopi mes. Na Aruba e programa Hit Express den su prome edicion pa Aña 2011 esta Diamars Dia 4 di Januari 2011 a habri e programa cu un tributo chikito dedica na Bobby Farrell cu a cuminsa for di 8'or di anochi te cu 9:30 di anochi pa cual programa a ricibi masha hopi reaccion y tambe un gradicimento special di parti e yiu muhe di Bobby Farrell esta Zanillya den nomber di famia Farrell.


Despues di a ricibi masha hopi yamada y reaccion riba Facebook relaciona cu e programa cu nos a presenta anteriormente nos a dicidi cu Diamars awor Dia 11 di Januari 2011 e programa Hit Express ta presenta un homenahe special na Sr. Bobby Farrel di un duracion di dos ora na GFM 99.9 Galactica riba FM, riba internet pa henter Aruba y rond di

mundo via e website oficial di GFM 99.9

Aruba na <http://www.gfmaruba.tk> of via e internet y web radio di San Nicolas pa henter Aruba y rond mundo esta Radio Tropical Aruba di Sr. Marcos Bislip Jr. y tambe via e sistema cu ta full rond di mundo via internet via computer y via mobile na Stickam na <http://www.stickam.com/hitexpress>

Hopi ta esnan cu na Aruba no conoce Bobby Farrell cu e tabata nos maximo representante y artista di fama mundial pesey nos a bin cu e website pa asina tur hende por conoce y sa con grandi Bobby Farrell tabata pa e mundo musical y di farandula mundial. Bobby Farrell a ricibi amplio publicidad y reconocimiento di parti di

Billboard Magazine, BBC Entertainment, CNN World & Entertainment, TNT Noticias y hopi otro mas, e corantnan y revistanan mas famoso di mundo a duna publicacion di Bobby Farrell y na unda masha hopi artistanan di fama mundial na mundo a expresa e perdida di Bobby Farrell. Bobby tabata baila mescos cu James Brown y Michael Jackson. Cancionnan grandi di Boney M y Bobby Farrell tabata Daddy Cool, By the Rivers of Babylon, We Kill the World den e decada di 80, Bahama mama, Sunny, Josephine Baker, Rasputin, Mr Baker y hopi otro exito mas. Kalimba de Luna 1984 ta un cancion cu e la dedica na Aruba mencionando the land of sunshine with pretty ladies it's grooving in the white sand in the land of sunshine, eagle trip promocionando su dushi isla Aruba hopi no sa con grandi Bobby Farrell ta mundialmente y con orguyoso nos mester ta di e Arubiano cu a yega mas leu te cu awor den exterior na nivel di Michael Jackson y hunto cu su grupo a competi cu gruponan grandi manera ABBA y otronan. Tristo ta cu nos mester laga un artista asina grandi fayece sin dune su reconocimiento ora cu e tabata na bida y te hasta nos futuro generacionnan di awor por a conoce di cerca y cu e pueblo di Aruba por a dune e



reconocimento cu e merece.

Bobby a marca historia pa Aruba, awor despues di su morto Aruba su number a wordo publica den tur skina na mundo, Merca y mundo henter tin su Michael Jackson y Aruba y Europa y mundo henter tin su Bobby Farrel cu mester wordo skirbi cu oro. Dios laga cu un dia e estatua di Bobby Farrell y su museo por bira un realidad na Aruba, pa asina turistanan y artistanan cu fama mundial cu conoce Bobby por bishita Aruba y mira Bobby su estatua y su museo na su isla natal.

Tambe un website special a wordo traha pa tur e fans di Bobby Farrell na <http://www.bobbyfanclubaruba.web.com> na Aruba y den exterior y ta na papiamento y ta conecta cu esun oficial den exterior di Bobby Farrell danki na e cooperacion di e yiu muhe Zanillya. Pa mas informacion por tuma contacto cu Marcos Bislip di Bislip Radio Production na telefon 565-7884 of por manda email na bobbyfanclubaua@gmail.com cual mensahenan ta wordo re transmiti tambe na e head office na Hulanda pa Zanillya.

Salamander Holding NV ta cera un bon año cu un fiesta dibertido



PALM BEACH – Salamander Holdings NV un biaha mas a sorprende y deleita su asociadonan cu e fiesta di fin di año di edicion 2010.

Cada año, Director Gerente Jodi Tobman y su ekipo di maneho ta sorprende e staff exitosamente door di tene un evento inusual y perfectamente organisa.

E año aki no tabata diferente, y e asociadonan a ricibi instruccionnan pa topa na T.H. Palm & Company pa un oportunidad pa saca potret, net prome cu e evento tan anticipa.

E compania su evento na December 2010 a wordo titula como un Fiesta di Misterio, y pa e motibo aki niun hende tabata sa unda e fiesta lo tuma luga y kico pa spera di tur loke lo tuma luga durante e fiesta.

Despues di a saca un potret festivo di e grupo dilanti di e tienda di Playa Linda, e asociadonan a wordo escolta pa e otro banda di caminda, pa Paseo Herencia, subiendo e trapi prome, y ora tur hende tabata para hunto riba e di dos piso, bahando bek riba e trapi.

E gira yen di suspenso a sigui pa Palm Beach Plaza pa mas



oportunidad di saca potret, sigui pa un caminata rond di henter e mall. E misterio di e anochi por fin a wordo resolvi riba e di tres piso di Palm Beach Plaza, ora e portanan di Dream Bowl a habri pa revela hopi gran atraccion incluyendo specialidadnan culinario prepara pa Sciue-Sciue, open bar, camisanan exclusivo di bowling emborda cu e number di ekipo

di The Salamander King Pins, y meyanan di bowling cu e logo di Dream Bowl riba nan.

Bisti perfectamente pa e ocasion, e miembronan di Famia di Salamander a forma nan lineup segun nan nombrenan a wordo yama y a cuminsa hunga, disfrutando di un rato sumamente fantastico henter anochi.

E fiesta di e año aki a conta cu un sin fin di diberticion, den un ambiente di alta estilo, mesclando deporte y comedia ya cu cada stroke, swing y tiro a provoca rondanan di aplauso y/of harimento total entre e asociadonan.

Aki por mira e miembronan di e Famia di Salamander den nan shirtnan di bowling, pasando sumamente bon!

De Palm Tours ta boga pa limpieza ambiental



ALTO VISTA -- De Palm Tours, e compania di gira y transportacion mas grandi riba e isla, a duna un servicio publico sumamente necesario riba dia 24 di December, ora el a pidi su miembronan di gerencia, empleadonan y nan miembronan di famia pa boluntariamente duna di nan tempo pa un limpieza di e isla su bunita Boca Cura y e costa Noord-Oost.

E area cu biento fuerte, cual ta wordo mira diariamente pa bishitantenan di e isla, ta sirbi como un deposito di lama pa sushi marino flotante, plastico, boternan y palo di lama cu ta wordo treci pa e coriente di e lama Caribense, y ta wordo deposita riba e playa.

Mientras cu e palo, cocolishinan y coral cu ta

bin for di lama ta bon bini, plastico y glas si no ta desea! Asina tambe De Palm Tours a tuma e decision pa tene un limpieza di e temporada net prome cu e fin di e aña.

Tur e sushi a wordo piki diligentemente pa De Palm su grupo di boluntarionan, kendenan a kita tur e sushi for di e bahianan chikito y areanan di playa net patras di e kapel historico di Alto Vista. Ora e limpieza a conclui, henter un truck yena cu sushi a wordo escolta pa e dump.

Bishitantenan y hendenan local awor por disfruta di un miho bista, cortesia di De Palm Tours.

Aki por mira e accion di limpieza den full swing y e imagennan di prome y despues.

William Wilson a gana un Jackpot na Cool Casino



PALM BEACH – E alegria tabata asina grandi cu e potret di nos fotografo no a sali perfecto. Pero loke ta perfectamente cla ta e placa, un jackpot di \$1,440! Wilson, procedente for di Merca, un huesped di Riu Palace, a logra gana e bonanza riba su di 4 bishita riba e isla. Wilson a cana drenta Cool Casino di biaha despues di su cena y el a deposita algun moneda den su mashin di slot preferi. Despues e belnan a cuminsa zona, ora e holoshi a marca 8:43 pm, anunciando su di dos jackpot, e prome di e aña, ya cu aña pasa el a logra un caba, segun informacion cu nos a ricibi di Jolanda Salas, Hostess di Cool Casino, kende ta ser mira akinan hunto cu Wilson.



El Gaucho ta malcria e ehecutivonan di Divi

ORANJESTAD – E Departamento di Recursonan Humano y e Departamento di Accounting di Divi Resorts a disfruta di un anochi elegante di tremendo cuminda y biña na El Gaucho Grill Argentino den honor di e temporada di fiesta y e celebracionnan di Aña Nobo. E miembronan di ambos departamento ta sali pa come un cena hunto tur aña, y ta encanta e experiencia di por conecta cu otro, hariendo y compartiendo cu amigonan y coleganan. E encuentro di e aña aki ta specialmente entretenido, ya cu el a sigui te despues di e cena, te den oranan laat di anochi, na Garufa Cocktail Lounge, situa na otro banda di caminda di El Gaucho.



Aries
21 Mrt-19 April

Aries
Ta e prome cu ta saca un man y yuda un amigo den necesidad. Abo ta e unico cu e empatia pa yuda e.



Tauro
20 April-20 Mei

Tauro
Un hende ta den un pura masha grandi mes. Pero esaki ta contra di bo estilo, laga nan sa di esaki.



Geminis
21 Mei-21 Juni

Gemini
Tuma iniciativa den e grupo. Como nan lider boso lo logra caba cu tur loke cu tin pa haci awe.



Cancer
22 Juni-22 Juli

Cancer
No reaccion emocionalmente na momento cu un hende rabia of algo asina. Nan no tin e personalmente contra bo.



Leo
23 Juli-22 Aug.

Leo
Awe lo bo goza serando conoci cu e historia di un hende hopi interesante cu a drenta nobo den bo bida.



Virgo
23 Aug. - 22 Sept.

Virgo
Bo tin otro motibonan cu bo no kier pa hende sa di dje? Ta honesto cu bo mes, esey ta e unico manera pa bo yega na loke cu bo kier.



Libra
23 Sept. - 23 Oct.

Libra
Otro cosnan lo bay haci bo sinti hopi bon awe, manera cu nan ta desea bo y no unicamente den forma romantico.



Scorpio
24 Oct. - 21 Nov.

Scorpio
Bo tin mucho hopi dia caba ta pone cos un banda, awe ta e dia perfecto pa bo cuminsa cu un rutina di ehercicio nobo!



Sagittario
22 Nov. - 21 Dec.

Sagittario
Awe lo bo pasa bo dia cu amigo, lo bo disfruta y sin duda algun goza di e fin di siman aki!



Capricornio
22 Dec. - 19 Jan.

Capricornio
Famia y trabou no mester ta para contra di otro, bo mester busca e manera pa pone nan dos den balans.



Aquario
20 Jan. - 21 Feb.

Aquario
Bo a avansa den ideanan hopi grandi na e momento nan aki, pero no bay haci di mas pa bo no perde loke cu ya caba bo a logra cu hopi trabou.



Pisces
21 Feb. - 20 Mrt.

Pisces
E misterio nan di bida awe lo mantene bo interesa, lo bo pasa masha bon mes door di contesta esaki nan.

29

MONOPOLY PROPERTIES 24

Atlantic Avenue
Baltic Avenue
Electric Company
Houses
Illinois Avenue
Kentucky Avenue

Marvin Gardens
Oriental Avenue
Pacific Avenue
Park Place
Reading Railroad

St. Charles Place
St. James Place
Ventnor Avenue
Water Works

E N E T J A M E S P A C E Z R
U Y A V S W R W N L S H I A G
N C Q N A T E Y O K Z L I N H
A P I F I Y U T N R A R D U O
M C C L C A D C E D O A S E S
O I E E P Y K K A R E I I O R
N T R C A D E N G T L L N V I
E P L T H V U E L T C A P A S
U E Q A L I K A N I V N V E Z
N I V A B N L P R P E Y U B N
R Q E T E A S A K F L E T A U
O J N S C E T P E A M H L E C
V E U F T C L R C R Q A T I A
A Z N E R V H A D A R V O N V
R O N T N E S N E G N I E U E



SUDOKU PUZZLES

	8			2	3	1		
	3				9		5	2
6			5					
9	5					2		
8				4				3
		6					7	8
					8			6
5	2		4				1	
		1	9	7			3	

- Den cada hoki mester tin un number di 1 pa 9.
- Den cada rij y den cada colom di e cuadra mester tin 9 number, sin ripiti ningun di nan.
- Den cada un di e 9 cuadra chikito mester tin e 9 number, sin ripiti ningun di nan.



SOLUSHON

9	8	8	2	2	6	1	9	4
6	1	2	9	8	4	8	2	5
9	2	4	8	9	1	6	2	3
8	2	9	1	6	8	9	4	2
8	9	6	9	4	2	2	1	8
1	4	2	2	9	8	8	9	6
2	8	8	4	1	9	2	6	9
2	9	9	6	8	2	4	8	1
4	6	1	8	2	9	9	8	2

NO LUBIDA CU TIN DIJIS UN SOLUCION UNICO PA CADA WEGA DI SUDOKU

Docktor na warda



ORANJESTAD

Dr. Horenbeeck

SAN NICOLAAS

Botica na Warda

Oranjestad:

Botica Trupiaal

San Nicolaas:



Police

No. di Polis	581-1100
Oranjestad	582-4000
Noord	587-0009
Sta. Cruz	585-4710
Savaneta	584-7000
San Nicolas	584-5000

Emergency Numbers



Emergencia	911
Polis	100
Brandweer	115
Brandweer II	582-1108
Tipline di Polis	11141
Hospital	587-4300

Oranjestad

Ambulance	582-1234
Polis	582-4000

San Nicolas

Ambulance	584-5050
Warda Polis	584-5000
BGD San Nicolas	584-1606
Valero Security	584-1720

Services

Elmar	583-3000
Informacion	118
Kadaster	582-1311
Serlimar	584-6456
Setar	582-5151
Taxi	582-2116
Web	585-4600
Voogdijraad	582-1262
Taxi- Tas	587-5900
Bureau Sostenemi	588-1010
Profesional Taxi	588-0035
Taxi D.T.S.	587-2300

Cruise Ship



- 11 Carnival Miracle
- 11 Coral Princess
- 12 Island Princess
- 12 Celebrity Millenium

Funeraria's

AD Patres	584-2299
Aurora Funeral	588-6699
Mementomori	583-3358
The Olive Tree	584-8888

Foundation Fellowship Clinic

Tel: 584-6440

Alcoholism & Drug Addiction,
Anonymity guaranteed

Fundacion Anti-Droga

Aruba (FADA) Tel: 583-2999

Fundacion Respetami

Tel: 582-4433

Fundacion Diabetico

Arubano

Tel: 583-3808

Narcotics Anonymous

Tel: 583-8989

Fundacion Amor pa
Prohimo

Tel: 583-3354 / 586-6976

Fundacion Hende Muher
den dificultad

Aurora Funeral Home

Tel: 593-0857 / 588-6699 / 560-1403
Fax: 588-6698

**“ Laga tur locual, cu ta sperami ta bunita
Laga tur locual, cu mi encontra na caminda
ta bunita,
Laga tur locual, cu ta rondonami ta bunita
Laga tur locual, mi ta laga atras keda bunita
Y laga esakinan termina den tur buniteza”
Cado wever**

A fallece cristianamente na Hulanda:



Sr. Francisco Theofilo Croes

Mihor conoci como "Theofi"
***03-02-1942 †16-12-2010**

Na number di su yunan:

Sharon y esposo y famia
Rulientje y esposo y famia

Rumanan: Sra. iris Croes, yiunan y famia
Sra. Bea y esposo Sr. Luis Croes y famia
Sra. Thomasa y esposo Sr. Rodrigo Croes y famia
Sra. Dica y esposo Sr. Chany Henriquez y famia
Sr. Willy Croes y yiu.

Tanta: Felicita Croes

Su iha: Kenneth Henriquez y Arlene Rosel.

Ex esposa: Rulia Hernandez

Ex swa: Sr. Michael Laurence y esposa

Mescos cu ruman:
Watty Croes y famia

Swa, cuña, primo y primanan, sobrino y sobrinanan, nieto y nietanan .

Demas famia: Croes, Lampe, Kock, Henriquez, Laurence, Ruiz, Scharbaay, Luidens, Lacle de Mey, Tromp, Maduro, Raaz, Hernandez, Bermudez, Dirksch, Kelly, Webb.

Nos ta pidi nos disculpa si den nos tristesa nos por a lubida un of otro famia.

Acto di entierro lo tuma lugar Diabierna 14 di Januari 2011, pa 11'or di mainta saliendo di Aurora Funeral Home y despues saliendo pa santana Catolico na Paradera.

Aurora Funeral Home

Tel: 593-0857 / 588-6699 / 560-1403
Fax: 588-6698

**Jesus a bis'e: Ami ta e resurreccion y bida; esun cu kere den Mi lo biba, maske e muri, y tur esnan cu ta biba y ta kere den Mi lo no muri nunca.
Juan 11:25,26**

Nos ta gradecido na Dios pa locual el a significa pa nos, nos ta anuncia cu a fayece cristianamente:



Sra. Vda. Anna Jansen Dirksch

Mihor conoci como Maia
***30 di Juli 1914 † 8 januari 2011**

Na number di su yunan:

Sr.vdo Ovito Jansen y famia
Ceril y Annie Jansen-de Mey y famia
Lica y Benito Rasmijn-Jansen y famia
Miro y Vivian Jansen-Becker y famia
Vda. Altagracia Jansen-Blanco

Su nieto y nietanan:

Evelyn y Ivan Gordijk, Ronni y Indirah Jansen, Mary y Moonchie Hernandez, Roy y Miriam Jansen, Sandra y Romulo Rasmijn, Anthony y Tineke Jansen, Andy y Ingrid Jansen, Gregory y Guisette Jansen, Micheal y Susan Jansen, Ivan y Tamara Jansen, Egbert y Marie Theresa Loopstok, Jamila y Zezito De Maura, Ricky y Sheila Loopstok, Anthony y Ritzma Loopstok, Marcia y Mario Tromp, Reynold Jansen, Meredith y Mario Heronimo, Malayka y Silvio Bufalini, Adaline y Iven Arendsch, Radinka Rasmijn y Ed Abath, Erline y Roderick Jansen, Vanessa Jansen.

Mescos cu nieta:

Pierina y Luisa Hernandez

Su cuñanan:

Sra.Vda Janda Dirksch-Boekhoudt y famia,
Sra.vda Betty Jansen-Jacobs y famia,
Sra. Vda Salome Dirksch-Rozenberg y famia.

Su suegranan:

Sra.Vda Maxima Rasmijn
Nelly Becker

Su suegro:

Achie Becker

Bisanietonan, tataranieta, sobrino y sobrinanan, Primo y primanan, su ihanan.

Su ayudante: Yolanda Germain.

Demas famia: Jansen, Dirksch, Dubero, Lacle, De Mey, Kock, Ras, Blanco, Loopstok, Rasmijn, Becker, Boekhoudt, Rozenberg, Jacobs, Van Der Biezen, De Cuba, Werleman, Hill, Gordijk, Rivieira, Hernandez, Portillo, Franken, Nuñez, De Maura, Kock, Tromp, Heronimo, Bufalini, Arendsch, Croes, Donata.

Nos ta invita tur famianan, amistadnan, conocirnan y rumannan di Iglesia Faith Revival pa asisti na e acto di entierro cu lo tuma lugar diaranzon 12 di Januari 2011 pa 11'or di mainta na misa Santa Filomena na Paradera y despues pa Santana Catolico na Paradera. E restonan mortal lo ta reposa for di 9'or di mainta den misa Santa Filomena.

**Señor ta mi wardador Mi'n tin falta di nada den cunuco di yerba berde
E ta ponemi sosega E ta hibami na awanan trankil Pa mi bolbe haya forsa. Psalm 23:1,2,3.**

Cu inmenso tisteza, pero conforme cu boluntad di Dios y agradeci pa tur locual el a haci y significa pa nos, nos ta anuncia fayecimento tragico di nos casa, tata, welo, ruman stima:



Sr. Esteban Patricio Briezen
mihor conoci como "Banban"
na edad di 56 año

Na nomber di su

Casa: Norma Briezen-Vrolijk
Yiunan: Aniera y Freddy (Potchi) Maduro
David Briezen

Yiunan di criansa:
Kiny Kock, pareha y yiunan
Kathleen (Kaky) Kock,
pareha yiunan
Wally Tromp

Nietonan: Gineira y Gilaiska Maduro,
Johnathan Wernet, Shakely Kock y
Jay-Quin Toppenberg.

Rumannan: Reginaldo (Naldo), Zoraida y famia,
Zandra, Robert (Robby) y famia,
Carla y Armando,
Efrem (Mudo) y yiu

Mama di su yiunan: Reina (Ija) Ruiz y pareha
Suegra: Juana Maduro
Suegro: Placido Vrolijk y señora

**Swa y cuñanan, omo y tantanan, subrino y subrinanan, primo y primanan, comper y comernan, ihanan, coleganan y bon amigonan di WEB, bon amigonan di "Toca malo, pasa bon" y di "Aruba House Hash Harriers ON-ON", comision di "De Vuyst" y demas famia ta invita bisiña, amigonan y conocirnan pa e acto di entierro cual lo wordo anuncia despues.
Adres pa condolencia ta De Vuyst 93-A**



AD PATRES
funeral home

Van Rensselaerstraat 2
Tel. 584-2299 - 7372299
Family owned and operated
Since 1997

Santo Sacrificio: Sacerdote y pueblo ta drenta den e misterio di amor, den e misterio cu lo hasi'e topa cu Dios bibo.

E entrada aki ta simbolisa tambe peregrinashon di Pueblo di Dios, ta recorda nos, cu aki riba tera, nos ta stranhero, peregrino, y cu nos ta riba caminda...



the **olive tree**
funeral home

IS OWNED & OPERATED BY
EUGENE MADURO &
GERARD HALLEY

Bernhardstraat 134-136 - San Nicolas
Tel: (297)584 8888



Nos ta agradecido na Dios di por tabata tin e asina hopi año cerca nos y nos ta conforma nos mes cu su mision cerca nos a keda cumpli.

Cu un amor grandi pa bida y un stimacion inmenso pa su famia, a bay sosega inesperadamente nos casa, tata y welo stima:

Nelson Remigio Maduro

1 di october 1943 - 8 di januari 2011

Miho conoci como Nell, Michi, Mio, Remio, Papa Nel of Papa.

Su casa: Chinda Maduro-Dijkhoff

Su yiunan stima: Jeannine y Tony Tromp
Chariselle y Jairo Dania

Su nietonan adora: Sean Toppenberg y Joe-ann Flanegin
Zhyon Dania
y su prins chikito Ewald

Manera yiu: Sharylaine Maduro

Su rumannan: Petra "Petraia" Maduro
Ruben "Benny" y Maria Maduro-Wolff
Regina "Rina" Maduro
Lucio y Lucia Maduro-Maduro
Otilio "Ti" Maduro

Su sobrinonan: A. Eugène, Ivo, Raymond, Lupe, Mary-Lou, Mary-Ann y nan respectivo famianan.

Su tanta: Sra.vda. Maria "Ija" Tromp-Jacobs

Stima manera mama: Sra. Johanita Wolff

Su swa y cuñanan: Victor y Gloria Dijkhoff y famia
Violeta "Leta" y Carlos Trinidad y famia
Filomena "Fela" y Rudolph Richardson y famia
Willy y Cinthia Dijkhoff y famia na Hulanda
Mario Dijkhoff y Joanne Paula y famia
Evelyn y Arturo Aponte y famia
Henry Dijkhoff y famia na Hulanda
Hado y Lorena Dijkhoff y famia
Charles y Evelina Dijkhoff y famia
Erick y Milly Dijkhoff y famia

Pega manera famia, famia Boekhoudt, Inocencia y Quandt.
Su ihanan, primonan, comer y compernan, bisiñanan, amistadnan, conocinan, ex-coleganan di Elmar y tur su bon amigonan cu ta mucho hopi pa menciona.

Acto di entierro lo tuma luga: Diamars, 11 di januari 2011.

E defunto lo reposa for di 9'or te 10'or di mainta na The Olive Tree Funeral Home, (Pariba di RC Cola y pabao di Gallo Rojo y schuin tegenover di parking lot di WEMA),

sigui pa un respose y despues di e respons lo hiba Nell pa su ultimo lugar di sosiego na Santana Catolico na Paradera.

Na luga di flor of krans un donacion pa "Casa Cuna" lo ta altamente aprecia.


Lo tin un box disponibel pa e bunita gesto aki.

Nell nunca no e kere den bistimento di rouw y e semper a bisa:
"Esun cu a muri a bay caba, esunnan cu keda atras tin cu sigui biba."

Por manda famia condolecta via website di the Olive Tree Funeral Home: **www.theolivetreefuneralhome.com**

Gradicimento/Invitacion

Na nomber di su esposa y yuinan, nos kier a gradici di curazon tur esnan cu di un of otro manera a muestra nan atencion y sosten durante fayecimento y entierro di nos defunto stima



**Francisco O. Wever
(Pancho)**

Danki specialmente na Staff & Personeel di Verpleeg tehuis San Nicolas, na Dra. Tromp y su secretaria Sonia pa nan atencion. Na tur e Specialistanan, tur cu a manda flor, krans, yamadanan, telegram tambe un danki di curazon. Danki na tur famia, bisiña, amigo(a)nan, tambe na Ministerio di Alabansa y Adoracion, David Croes pa su bunita canticanan di despedida, na Pastoor Jacobo pa su bunita palabranan, na Sr. Luis Anjie y Sr. Chico Harms danki pa e bunita letranan. Un danki specialmente na Ad Patres Funeral Home pa nan excelente servicio. Boso presencia y atencion tabata un gran Consuelo pa nos.


Alabes nos kier a invita tur famia, amigo(a)nan, bisiñanan, conocirnan pa compania nos na 2 Santa Sacrificio di misa na Misa Cristo Rey na Brazil

Diasabra 15 di Januari 2011 pa 7'or pm



AD PATRES
funeral home

Van Rensselaerstraat 2
Tel. 584-2299 - 7372299
Family owned and operated
Since 1997



ORACIÓN AL NACIMIENTO DE JESÚS

*En el humilde pesebre
es en donde Jesús
aparece más grande y
más glorioso.*

*Dios acababa de dar a la
tierra un Salvador y en los
brazos de Maria en
éxtasis, los Ángeles
adoran al Verbo
encarnado. ¡Que lección
para nuestra fe! El tiempo
no disminuye la
profundidad del misterio;
los siglos pasan por
delante de este pesebre
bendito, el cual nos
conserva y nos transmite
el recuerdo del nacimiento
de Jesucristo, sublime y
encantadora prueba del
amor de Dios hacia
nosotros! Si vosotros no
podéis olvidar vuestra
madre, vuestra familia,
vuestra patria, cristianos
no olvidéis al que ha
nacido para salvarnos.*

Oración. Dios Todo Poderoso, que derramáis hoy sobre nosotros la nueva luz de vuestro Verbo encarnado, haced que la fe de este misterio se infunda también en nuestros corazones. Señor y Dios nuestro, haced del mismo modo, te lo rogarnos, que celebrando con alegría la Natividad de N. S. Jesucristo, merezcamos, por una vida digna de El, gozar de su presencia. Así sea

**Les a el Salmo
38-39-70-91-103
Por 3 dia y te
concedera la
gracia
por difcil que sea
publicar al 3 dia**

C.F.



Mementomori Funeral Home N.V.

Yolanda-Leo-Eugene

Tel: 5833358 - Fax: 5837711

<http://www.mementomori.net>

" En toch telkens weer zullen wij je tegenkomen
Zeg nooit het is voorbij
Slechts je lichaam is van ons weggenomen
Niet wie je was en ook niet wat je zei."

Met diep leedwezen maken wij het tragisch overlijden bekend van onze zorgzame man, vader grootvader, broer en oom



**Dhr. Ronald Alejandro
Bremer**

beter bekend als: Ronny

*** 9 Febr.1949 - + 6 jan. 2011**

Namens haar / zijn:

echtgenote: Greta Bremer-Zievinger

kinderen: Iwan en Ivana Bremer
Gene en Marieke Bremer

kleinkind: Naomi Bremer

moeder: Violet Bremer-Richardson
broers en zusters op Curacao en
Sint Maarten

petekinderen: Jessica en Edelberto

overige familieleden: Bremer, Zievinger, Richardson, Radic, Kaspers, Kock, Tromp, Hose, Sanchez, Jimenez, Croes, Olive, Baptiste, Ruiz, Jansen, Meints, Sint Jago en verdere familieleden, vrienden en kennissen op Aruba en Curacao:

De crematie vindt plaats op 14 januari 2011 te Leusden

Condoleance adres:

Hinderstein 51

3813 RI. te Amersfoort

Nederland

Email adres: Ron & Greet(r.a.bremer@xmsnet.nl)



SETAR

SETAR N.V.

ta participa fayecimento di

Sr. Nelson Remigio Maduro

tata di nos colega Chariselle Dania-Maduro
di departamento di Boekhouding

Acto di entierro ta diamars dia 11 di januari 2011.
Resto mortal di Sr. Nelson R. Maduro ta reposa for
di 9'or te cu 10'or di mainta

na The Olive Tree Funeral Home, despues di un
respons lo sali pa Santana Catolico na Paradera.

Gerencia, Staf y Personal di SETAR N.V. ta extende
palabranan di condolencia na Chariselle y demas
famia Maduro, Dania y Dijkhoff.

Santo Sacrificio: Sacerdote y pueblo ta drenta den e misterio di amor, den e misterio cu lo hasi'e topa cu Dios bibo.

E entrada aki ta simbolisa tambe peregrinashon di Pueblo di Dios, ta recorda nos, cu aki riba tera, nos ta stranhero, peregrino, y cu nos ta riba caminda...

Papa kier mas mucha cu number Cristian

CIUDAD DI VATICANO – Papa ta haya cu muchanan mester haya un number Cristian. Un number asina ta musta e conexion cu Iglesia Catolico, asina Papa Benedicto XVI a duna di conoce.

Papa no ta mira mucho den e hecho cu algun mayor ta duna nan yiunan number manera Crystal, Heather of Margriet. “Un number Cristian ta un señal indudable cu e Spirito Santo ta pone un bida nobo den scochi di Iglesia,” asina Papa a bisa diadomingo despues cu el a batisa 21 baby den un tradicional servicio na Vaticano.

Corantnan Italiano dialuna tabata yena di e noticia aki. Na Italia mes e mayornan ta duna e preferencia na number di un Santo. E number Francesco ta esun mas comun pa mucha homber, y Gulia pa mucha muher. E number original di Papa, Joseph, ta para na number 14 di mas hopi cu ta aparece pa mucha hombernan.

=====

Papa: Les di sex ta mishi cu libertad religioso

CIUDAD DU VATICANO – “Seksuele voorlichting” y lesnan di maatschappijleer na Europa ta un atake riba libertad religioso, segun Papa Benedicto XVI a bisa dialuna den su discurso anual na diplomaticonan internacional na Vaticano.

“Mi no por keda keto riba un otro atake riba libertad religioso di famianan na cierto paisnan Europeo, cu ta haci participacion obligatorio na les di informacion sexual y maatschappijleer”, asina Papa a bisa.

“E lesnan ta ser bisa cu e lesnan supuestamente neutraal, pero ta plama en realidad un vision contrario na e creencia y e motibo exacto.”

Segun Benedicto, esaki ta solamente un di e menasanan di e “raisnan cultural di e identidad y coherencia social di e hopi nacionnan.”

Papa a defende e derecho di dokternan pa nenga abortus. E tabata gradicido pa un resolucio riba esaki di e organisacion di derechonan humano Raad van Europa.

=====

Ford tin plan pa contracta 7,000 trahador pa 2012

DETROIT – Ford Motor Co. a bisa cu e lo agrega mas cu 7.000 trahador na Merca den e siguiente dos añanan na momento cu e cuminsa produci diferente auto nobo.

E compania tin planea pa contracta 4,000 trahador di fabrica e aña’ki. Casi mitar di e dos trahadornan lo ta na Louisville Assembly Plant na Kentucky cu lo fabrica e Ford Escape nobo na final di e aña’ki. Nan ta spera di agrega al menos 2,500 cupo nobo den fabricacion na 2012. Ford tambe lo planea di adkiri 750 ingeniero cu experticio den bateria y na otro areanan pa traha riba autonan electrico. E compania ta bisa cu e lo cuminsa cu e parti di reclutamento na Detroit y ocho otro ciudad e siman aki.

Ford a introduci tres futuro autonan electrico y hibrido dialuna na e show di auto na Detroit, incluyendo e version electrico di Ford Focus.

Area zuid di Merca tapa cu un capa blanco di sneeuw



ATLANTA – Sureñonan cu ta hopi mas custumbra cu solo enbes di sneeuw a haya nan mes ta laga nan auto band’i camindanan cu ijs y bay cas busca un tiki calor mientras cu e clima friu a asota e region aki ayera y cu ta spera lo trece algun dia di condicionnan peligroso.

E mal tempo a causa cancelacion di mas di 2000 vuelo den e region, coriente a cay pa miles di cas y hasta a forsa Auburn University pa cancela un gira riba e campus relaciona cu e “National Championship Bowl Game”. Awa di yobida cu a freeze bira ijs y yobida friu a sigui e caida di sneeuw den varios area for di Louisiana te na Carolinanan, y temperaturanan abou na mayoria di e region tabata wordo spera y por spera cu pa awe mainta e awa friu cu a cay lo haci e

camindanan peligroso pa slipmento.

Mayoria di ciudadnan grandi den Zuid tin solamente un man yen di ekipo pa hala sneeuw, si nan tin mes, y nan trabou a wordo stroba algun caminda door di autonan cu a keda pega. Oficialnan den diferente estado a raporta algun shen auto destrui y a urgi chauffeurnan pa keda cas. Al menos tres persona a fayece den accidentenan relaciona cu e tempo.

Na Atlanta, bou di tres pa cuater inch di sneeuw y ijs, oficialnan di estado a wordo forsa pa cambia e inauguracion ayera di Gobernador Nathan Deal for di trapinan di Capitolio pa den oficina di e edificio di House of Representatives. E gala inaugural a wordo kita pa evita e hendenan di subi camindanan peligroso.

Giffords ainda den ICU

TUCSON, Ariz. – Dokternan a bisa ayera cu e Parlamentario di Arizona Gabrielle Giffords a duna señal cu su man pa musta cu tur cos ta bon y a trata di gara e tubo di e aparato respiratorio – desaroyonan alentador dos dia despues di operacion pa un tiro cu el a ricibi den cabes.

Dr. Peter Rhee a bisa cu ciruhanonan a mira hopi señal alentador. Diadomingo y dialuna el a reacciona riba un ordo verbal door di lanta dos dede cu su man robéz.

Y apesar cu e ta bou di sedante el a trata

di mishi cu e aparato respiratorio. Esey, dokternan ta bisa, ta exige hopi forsa den e situacion cu e ta.

Aunke cu su cerebro ta keda hinchí, e presion no ta aumentando – un bon señal pa e recuperacion di e Congresista.

Giffords ta wordo mantene den un coma induci medicamento, sedante profundo cu ta pone su cerebro descansa. Periodicamente dokternan ta kita e sedante pa haci test, manera puntra pa lanta dos dede of primi man di un persona.

A large sinkhole has opened up in the middle of a paved road. Several people are standing around the edge of the hole, looking down. A car is partially visible in the background, and a blue tarp is on the right side of the road.

TIPO DI CAMBIO OFICIAL				
	Nr. 3261		10 Jan. 2011	
			Verkoop aan Publiek	
	PLACA EXTRANHERO	COMPRA	COMPRA	BENTA NA
	PUBLICO			
	Vreemde Valuta	Bank Papieren	Wissel, Cheque Reis cheque en Overboekingen	
Ned. Antil. Gulden ANG	98.00	100.00	100.20	
Per ANG 100			100.00	
Amerikaanse dollar USD	1.77	1.78	1.80	
Canadese dollar CAD	1.77	1.79	1.81	
Zwitserse frank (per 100) CHF	184.26	184.98	185.78	
Pond sterling GBP	2.70	2.75	2.81	
Japane yen (per 10.000) JPY	212.49	214.43	216.59	
EURO (per 100) EUR	227.73	229.81	232.12	
Deense kroon (per 100) DKK	29.88	30.60	31.40	
Noorse kroon (per 100) NOK	28.84	29.56	30.36	
Zweedse kroon (per 100) SEK	24.77	25.49	26.29	
<p align="center">Provision di Devisa 1.3%</p> <p>Segun articulo 12 di Afkondigingsblad di Aruba 1991 nr. GT 32 Banco Central di Aruba ta defini e tipo di cambio oficial pa e cambianan di placa extranhero</p> <p align="center">Suministra pa Banco Central di Aruba</p>				
<div style="display: flex; justify-content: space-between;"> <div> Agencias Extranjeros: Cambio y Capitales, Mercurio, Unidas </div> <div> DIRECCIONES / OFICINAS DE INTERTRANSFER Port of Call L.G. Smith Blvd 17 Kiri Kiri Building Kerkstraat 2-B San Nicolaas B.v.d. Veen Zeppenfeldstraat 74 </div> <div> Atención al cliente 588-7919 </div> </div>				